

四庫全書

集部

欽定四庫全書

九家集注杜詩卷二十三 宋 郭知達 編

近體詩

奉和嚴中丞西城晚眺十韻

汲黯匡君切

汲黯漢武帝時以切諫不得久留內遷為東海太守武帝曰古有社稷之臣如汲黯近

之

廉頗出將頻

史記廉頗趙之良將頻為趙將兵伐齊功魏

直詞才不世雄

畧動如神

趙云上句以結汲黯之直言下句以結廉頗之雄畧以此嚴真丞丞也

致簡移

風速

史記大公封于齊五月而報政周公曰何疾也夫政不簡不易民不有近平易近民民必歸之也詩

美教化

移風俗詩清立意新

新添文選序云左莊之作管孟之流蓋以立意為宗不以能文為本

層城臨暇意景絕域望餘春

言獨與京畿遠絕陵答蘇武書曰陵先將軍畧蓋天

地義勇冠三軍徒失貴臣之意勁身絕域之表見文選

旗尾蛟龍會

周禮曰蛟龍為旗文選章

孟諷諫詩四牡龍旗翰注謂封為諸侯故得服黼黻更龍旗

樓頭燕雀馴

趙云大厦成而燕雀

相賀之意

地平江動蜀天闊樹浮秦

趙云此兩句張大城上所望之遠也

帝念深分閭軍須遠筭緡

趙曰馮唐曰上古王者之遣將也跪而推轂曰閭以內者

寡人制之閭以外者將軍制之軍須師旅之費漢武元狩四年初筭緡錢李斐曰緡絲也以貫錢一貫千錢出

筭二十師古曰謂有儲積錢者計其緡貫而稅之

花羅封蛺蝶瑞錦送麒麟

趙云

言嚴公入貢不忘朝廷也蚺蝶  
羅麒麟錦以蜀中當時實事

辭第輸高義觀圖憶古

人

趙云霍出病傳上為治第令親之對曰匈奴未滅無  
以家為吳越春秋載伍子胥見要離曰吳王聞子高

義馬援傳顯宗圖畫建武中名臣烈將于雲臺東平王  
蒼觀圖言于帝曰何故不畫伏波將軍像帝笑而不言

征南多興緒事業閭相覩

趙云又以杜預作征南將軍收滅吳之

功平生事業最著如策仁右之事議皇太子之服造新歷  
建河橋造歌器陳農事皆其事業也興緒興況意緒也

嚴中丞枉駕見過

自注嚴自東川除西川勅令兩川都節制

趙云按通鑑于廣德二年春癸卯載劍南東

西川為一道以黃門  
侍郎嚴武為節度使

元戎小隊出郊垆

詩云月篇元十乘以先啟行行爾雅云邑外謂之郊林外謂之垆書王出

郊詩在垆之野

問柳尋花到野亭川合東西瞻使節

見公自注地分

南北任流萍

流一作孤謂長安有南杜北杜也此一句公自言矣自蜀望長安則長安為

趙云

北而獨為南也舊注非

扁舟不獨如張翰

趙云此下四句皆公之自言晉張翰字季鷹本

傳別無扁舟之文雅云為齊王同曹掾因見秋風起思吳中菰菜羹羹鱸膾遂命駕歸吳而已既歸閑適必有扁舟之樂也

白帽應兼似管寧

師云南史和帝紀百姓皆著下屋白紗帽趙云魏志管

寧青龍中徵命不至居海上常著皂帽布襦袴杜佑通典帽門載管寧在家常著皂帽又却是匹帛之帛今言白帽亦應似之也

寂寞

一作今日

江天雲霧裏何人道有少微星

趙云

少微星公自謂也隋天文志少微四星在太微西一名處士星晉書隱逸傳謝敷初月犯少微占者以隱士當之俄而敷死

### 江畔獨步尋花七絕句

江上被花惱不徹無處告訴只顛狂走覓南隣愛酒伴

經旬出飲獨空牀

自注云斛斯融吾酒徒趙云以出飲之故其家所寢之牀遂空也古詩

云蕩子遊不歸空牀難獨守公用此意

### 右一

稠花亂葉裏江濱

趙云裏一作畏無義蓋兩岸並有花斯為裏也司空圖云千英萬萼裏枝

經蔡伯世正異裏或作畏乃字缺記當從裏

行步歌危實怕春詩酒尚堪驅

使在未須料理白頭人

趙云尚可當詩酒之役也李靖尚堪一行晉書桓溫謂王徽之

曰卿在府日久當須料理新添王羲之云若蒙驅使關隴已蜀皆所不辭太陽子好飲常醉或問之曰晚學

俗態未除

以酒自驅

右二

江深竹靜兩三家多事紅花映白花

趙云江水之深竹色之靜又止兩三

家而不喧濁此自足佳足故彼紅花白花相映為多事也此皆公出新句莊子云富則多事或云公江上尋花見江深竹靜處又紅白花相映為愜意多事則多謝之義也故又有下句云報答春光知有

處應須美酒送生涯

莊子曰吾生也有涯而知也無涯

右三

東望小城花滿煙

梁益記云少城張儀城也趙云少城府中第二重小城張儀所築也

薛云左太冲蜀都賦亞以少城接乎其西市廛所舍

百尺高樓更可憐誰能載酒

開金綫

揚雄好事者多載酒有從雄游學

喚取佳人舞繡筵

古詩燕趙云佳人笑

者顏如玉漢李夫人傳李延年歌曰北方有佳人絕世而獨立陳除陵舞詩曰低鬟向綺席舉袖拂花黃

右四

黃師答前江水東春光懶困倚微風

趙云黃師答紀眼前之實也下句言



在春光之中懶因倚風而立也

桃花一笑開無主可愛深紅愛

一作映淺

紅趙云深紅淺紅二種之中愛淺紅則多則公之風韻高矣一作映淺紅于義無取

右五

黃四娘家花滿蹊千朵萬朵壓枝低

趙云東坡云此詩前之美清狂野逸

之態故僕喜書之昔者齊魯有大臣史朱其名黃四娘獨何人哉乃託于詩以不朽可使覽者一笑花蹊亦桃李不言下自

留連戲蝶時時舞自在嬌鶯恰恰啼

趙云此史

成蹊中來也

王晞謂盧思道曰卿輩亦是留連之一物自在則拂書多有之玉臺後集載上官儀詩云戲蝶流鶯聚窻外江惣云梅花落處隱嬌鶯恰恰字如王無功之言恰恰言也

右六

不是愛花即欲死只恐花盡老相催

趙云上句意言判一死而酷愛花如

韓退之亦有都將命命亡花之句今言不是謂花即是就死只恐花盡所以愛花又恐老之將至爾此皆杜公

狂放之新語也

繁枝容易紛紛落嫩葉

一作葉

商量細細開

趙云容易

商量與上篇告訴報答喚取留連自在皆使俗字不失為佳

右七

春水生二絕

趙云孫權云春水方生而春水生三字連出則杜預云方春水生難于久住

二月六夜春水生門前小灘

一作

渾欲平鷓鴣鷓鴣莫

漫喜吾與汝曹俱眼明

趙云二禽皆水鳥見水生而喜公語之以與汝曹俱眼明則公

可謂與物委蛇而  
同其波矣

## 右二

一夜水高二尺強數日不可更禁當

趙云禁當字亦蜀中語

南市

津頭有船賣無錢即買繫籬傍

無錢字見上草堂即事注

## 春夜喜雨

趙云宜雨則曰喜雨厭雨則曰苦雨曰愁霖自魏晉而下或賦或詩皆云然曹植張協謝

莊謝惠連鮑照庾

信皆有喜雨詩

好雨知時節

管子曰五政時春雨乃見

當春乃

一作及

發生

趙云爾雅曰春為發

生

隨風潛入夜潤物細無聲

言如膏也所謂聖人復生不可改矣

趙云范元寶

野徑雲俱黑江船火獨明曉看紅濕處花重錦官城

趙云

梁簡文帝賦得入階雨云漬花枝覺重獨人以江山明媚錯雜如繡故多呼錦官城也

### 江頭五詠

王筠有才名沈約重之約于郊居作齋閣請筠為草木十詠書之于壁皆直寫之辭不加篇題約曰此詩指物呈形無假題署

丁香

丁香體柔弱亂結枝猶墊

尚書注墊弱也以其體之柔弱而如墊也凡物之下隨皆

可云墊矣

細葉帶浮毛疎花披素艷深栽小齊後庶近幽人

占

幽人去兮曉猿驚見北山移文易幽人貞吉

晚墮蘭麝中休懷粉身念

趙云

未句言結實而墮蘭麝中俱以體香相類雖不念粉身可也

麗春

百草競春花麗春應最勝

趙云春華者春之光華也如文選摘藻揆春華師云顧

愷知詩麗春絕衆卉

少須好顏色多漫枝條賸紛紛桃李枝處處

捻能移

趙云此篇深美麗春故翻以桃李為不足貴  
既嗣宗詠懷詩天天桃李花灼灼有輝光

如

何貴此重却怕有人知

蔡伯世正異如何貴此重當作  
種舊作重乃缺文也

趙云言

珍貴麗春深重恐別人因  
我而來移取甚于桃李矣

### 梔子

漢書曰梔茵茵注梔支子也本草曰支子一  
名木丹齊謝眺有牆北梔子詩梁簡文帝有

詠梔子

花詩

梔子比衆木人間我未多

梔子一名薝蔔花六出天下  
之至香維摩經云如入薝蔔

林中惟臭薝蔔  
香不臭餘香

於身色有用

趙云蜀人取其色以染  
帛與紙故曰色有用

與

道氣傷和

槐性大寒其花可食可傷氣本草

紅取風霜實青看雨露柯

趙云實經霜則紅雨露潤則柯青

無情移得汝貴在映江波

趙云謝眺牆北槐子

樹詩曰有美當階樹霜露未能移還思照綠水君階無曲池其後梁簡文帝詩曰素華偏可喜的半臨臨池則因謝眺以無曲池為歎而自言其的然有池之可臨矣公今云無情移汝于它處貴在映江波則又以有江波之可映蓋又勝于臨池者乎

### 溪鵝

異物志溪鵝水鳥毛有五色食短荻其在溪中無毒氣

故使籠寬織須知動損毛看雲莫帳望失水任呼號

趙云

左太冲詠史詩曰習習籠中鳥舉翮四隅觸今溪鵲以羽毛之好則寬為之籠以防損其毛既以籠養之則看雲帳望失水

呼號宜矣

### 六翮曾經剪

薛云韓詩外傳曰鴻舉千里特六翮耳背上之毛腹下之

龍益一把飛不為加高損一握飛不為加下魏志崔琰傳鳥能遠飛者六翮之力也宗謝惠連溪鵲賦推羽翮

翮孤飛卒未高且無鷹集慮留滯莫辭勞

趙云溪鵲在籠不得高飛

然免鷹隼之患則雖留滯可莫辭勞倦也此公自況蓋退在野居不爭名官亦自無患矣卒音辟師民瞻正作狎字新添選謝玄暉時常恐鷹隼擊月令云鷹隼早驚太史公自序云留滯周南魏志夏侯玄云官無留滯

### 花鴨

花鴨無泥滓階前每緩行羽毛知獨立黑白太分明

趙云



此篇于物則紀實于義則自況無泥滓則比其潔也每緩行則比其雍容也羽毛獨立則自比其不羣也黑白分明則自比其文采之明著也選云奮迅泥滓老子曰遺物而立于獨諸葛亮謂張溫其人于清獨太明善惡太分後漢朱浮傳豈不覺羣心妬休牽衆眼驚稻梁霑不粲然黑白分明矣

一作

汝在作意莫先鳴

即云羽毛獨黑白分明則起羣心之妬為衆目之驚但稻梁

霑足則無憂先鳴矣此比美自況也趙云稻梁見上注陸龜蒙所謂能言鴨夫鴨之鳴多欲呼食也既有稻梁乃戒之無用先鳴亦飽食緘言以終之處亂之道此公之自警也

### 野望

西山白雪三城戍南浦清江萬里橋

按新史高適傳上皇還京復分劍南

為兩節度百姓弊于調度而西山三城列戍適上疏論之不納萬里橋見上下居注趙云西山在松維州之

外維州今之威州是也冬夏有雪號為雪山所以控帶吐蕃之處詩吐蕃方入寇故須防戍矣高適上疏可證

三城置戍之始舊本作三年非海內風塵諸弟隔天涯涕淚一身遙以公

離亂一身入蜀兄弟遂相隔也唯將遲暮供多病未有涓埃報聖朝跨

馬出郊時極目不堪人事日蕭條魏書曰州里蕭條又曹子建詩原野何蕭

條又潘安仁西征賦街里蕭條邑居散逸

### 官池春鴈二首

自古稻梁多不足至今溪鵲亂為羣

趙云韓詩外傳田饒謂魯哀公曰黃

鵲止君園地

咏君稻梁

且休悵望着春水更恐歸飛隔暮雲

趙云公前

漢鵲篇以自況則取其身文采今春雁詩乃尊雁而鄙溪鵲則又雁之孤孤詩人變化豈有拘礙哉

## 其二

春青欲盡急還鄉紫塞寧論尚有霜

趙云鴈達寒就溫其來也避地北之

塞而來至春而歸北寒即北地之寒也崔豹古今注曰秦築長城土色皆紫故云紫塞鮑明遠蕪城賦北走紫塞鴈門謝靈運詩季秋邊朔苦旅鴈達霜雪

翅在雲天終不遠力微矰繳絕

須防

莊子云黃帝得之以登雲天故對矰繳矰音憎戈射矢也繳音灼生絲縷也此見公避患之意西部

賦矰繳根縷鄭玄曰結繳于矢謂之矰漢張良傳高祖歌曰鴻鵠高飛一舉千里雖有矰繳尚安所施

水檻遺興二首

趙云舊本作違心師民瞻作遺興是  
蓋違心不可謂之新語謂之生可也

去郭軒楹敞無村眺望賒

趙云蒼頡篇曰敞高顯也李  
尤高安館銘云增臺顯敞是

已有林木而後謂之村惟  
其無才所以眺望遠也

澄江平少岸幽樹晚

一作多絕

花

選君謝玄暉  
澄江靜如練

細雨魚兒出微風燕子斜城中十萬戶

比地兩三家

陳子昂上書曰  
十萬戶受其福

其二

蜀天常夜雨江檻已朝時

新添黎雅州蜀之西蕃地多  
雨故名漏天此公所以有常

夜兩之句 葉潤林塘密衣乾枕席清不堪祇老病何得尚浮

名趙云祇字起于詩誠不以富亦祇以異箋云祇之為言適也據韻書只是平聲無作入聲者 淺把

涓涓酒深甕送此生趙云淺深兩字其意工矣

### 屏跡二首

用掘存吾道莊子曰夫子固掘于用大矣閑居賦序和長與謂滿安仁掘于用多孔子曰參乎吾

道一以貫之家 幽居近物情顧延年詩側同幽人居郊扉常晝閑 桑麻深

雨露燕雀半生成陶淵明詩相見無雜言但道桑麻長孟子雨露之所潤非無萌蘖之生焉

陳勝傳崔曰崔安知鴻鵠之志 村鼓時時急漁舟箇箇輕杖藜從白首

趙云莊子原憲

杖藜而應門

心跡喜雙清

即云謝靈運齊中讀書詩  
昔餘居京華未嘗廢丘壑

矧乃歸山川

心跡雙寂寞

## 其二

晚起家何事無營地轉幽

新添禮記內則云孺子早寢  
晏起又漢書云可以早寢而

晏起公意謂屏跡可以晚起也又嵇康與山濤  
云晝卧喜晚起而當關呼之不置一不堪也

竹光團

野色含影漾江流

蔡伯世正異圖當作團山常作舍  
趙云東城先生常計此二詩其含影

漾江流作山影漾

江流疏云此東坡居士詩也或者曰

此杜子美屏跡詩居士安得竊之居士曰夫禾黍穀麥  
起于神農后稷今家有倉廩不予而取輒為盜被盜者  
為失主若必從其初則農稷之初也今考其考字字皆

居士寶錄是則居士詩也子美安得禁吾有哉嗚呼先  
王之詠諧如此且見深服杜公之善道士寶矣然山隱  
乃一作舍字是蓋  
失學從兒懶長貧任婦愁  
嚴玄兒懶  
失學婦愁

成都豈有山耶

長飢漢書陳平傳固有

美如陳平而長平者乎  
百年渾得醉一月不梳頭  
趙云  
拙康

絕交書云頭面常一月十  
五日不洗公蓋用此意也

### 寄題杜二錦江野亭

成都尹  
嚴武作

漫向江頭把釣竿懶眠沙草受風湍莫倚善題鸚鵡賦

稠衡為黃祖之子射作鸚

鵡賦筆不停綴文不加點  
何須不著鸚鵡冠

依幸傳曰  
孝惠時郎

侍中皆冠鵷鷺冠音義曰鵷鷺鳥名也以羽毛飾于冠

杜補遺南越志增城縣多鵷鷺山雞也毛色鮮明五

采賁曜又淮南子曰鷄鵲雄也孔叅父續世說文嚴武  
為成都尹與甫有舊侍遇甚隆結廬于浣花賦詩訪之  
甫多不冠故武有北句趙云杜公之才如禍衡之俊  
而剛直隱淪不喜仕宦決不肯為侍中而冠鷄鵲佞臣  
之制也故嚴公勸之不必倚恃腹中書籍出時曬邦隆  
才如禍衡而鄙鷄鵲而不著也七日曬腹于庭中人問  
之曰我曬腹中書爾肘後醫方靜處看  
金匱藥方一百卷是嚴公自云終  
肘後要急方四部興發會能馳駿馬  
須重到使君灘趙云使君灘應是浣花相近水經于巴  
其波瀾蜀人至今猶名之郡枳縣有云楊亮為益州至此而覆慙  
為使君灘豈名偶同乎

### 奉酬嚴公寄野亭之作



拾遺曾奉數行書

杜公曾任左拾遺在肅宗至德二年也是年春宿左省詩云明朝有封事

試問夜如何

懶性從來水竹居奉引濫騎沙苑馬

杜補遺云唐六典補

闕拾遺式后垂拱中置二人以掌供奉諷諫注云左右補闕拾遺掌供奉諷諫扈從乘輿子美至德二年肅宗授左拾遺明年收京扈從還長安故公詩每言奉引侍祠扈蹕事也趙云拾遺既掌供奉則騎馬以奉引後漢劉聖公傳李松奉引馬驚奔觸北宮鐵柱三馬皆死顏延年禡白馬賦曰弭引婆以奉引沙苑馬言官所破馬也

幽棲真釣錦江魚謝安不倦登臨費

趙云晉書謝安于東山營墅棲

館林竹甚盛每攜中外子姓來遊集肴饌饌亦屢費百金此登臨費之義也又安寓居會稽與王羲之處出則出則漁弋山水每往臨安山中放情于丘壑令言費則以嚴公有載酒移厨之費矣阮籍焉知禮法

疎  
疎康絕交書阮嗣宗與物無傷唯飲酒過差至為枉  
禮法之士所繩疾之如讐阮籍則公以自北也

沐  
沐一作今日旌旗出城府草茅無一作選欲教勸趙云屈原

寧誅鉏草茅以力耕乎無一作荒非

### 中丞嚴公兩中垂寄見憶一絕奉答二絕

一云嚴公雨中見  
寄一絕奉答兩絕

雨映行雲一作辱贈詩宋玉賦朝為行雲易雲行雨施

寫出一時景物句便雅使余然後時句中當無虛字此  
范元寶之說也行雲或以為行宮師民瞻云明皇嘗幸  
蜀故稱行宮之名則嚴公兩中必在明皇望日所幸之  
地尚有行宮之名存在北處寄詩也按通鑑永泰元年

玄宗之離蜀也，以所居行宮為道士觀，縱使嚴公詩在此詩寄杜杜公亦安敢尚日之為行宮乎？蘇伯世改作行官為送詩，使人竄無義理。元戎肯赴野人期。六月元戎十乘若謂之兩映行雲意自足也。注夏后氏曰：鈞車先正也。商曰：寅車先疾也。周曰：元戎先良也。左傳：晉文公乞食于野人，與之塊，此蓋借用字。一元元戎欲動野人知非是。江邊老病雖無力，強擬晴天理釣絲。

其二

何日雨晴雲出溪，白沙青石光無泥。

一云先無泥

只須伐竹

開荒徑

古詩誅字開小徑

拄杖穿花聽馬嘶

趙云：聽嚴公之馬嘶，此又終前篇肯

越野人期之意，馬嘶一作鳥啼，無意思，先字去聲讀。

謝嚴中丞送青城山道士乳酒一餅

山餅乳酒下青雲

新添酒經空桑穢飲醒以穀麥以成醇醪酒之始也烏酒女麴胡昆反恬

乳九投澄清百品酒之終也

氣味濃香幸見分鳴鞭走送憐漁父

趙云

謝惠連詩鳴更適太阿漁父公自謂也公前篇有理釣絲之句莊子有漁父篇

洗盞開嘗對馬

軍

公自注云軍州謂驅使騎為馬軍趙云以漁父對馬軍字為工矣

嚴公仲夏枉駕草堂兼攜酒饌得寒字

一云鄭公枉駕攜饌訪水亭

竹裏行厨洗玉盤花邊立馬簇金鞭

薛云按古樂府對酒行金樽清俊滯

玉盤巫來親友白馬行白馬黃金鞍蹀躞柳城前又輕  
薄篇象狀香繡被玉盤傳騎食文選徐敬業詩云鮮車  
驚華轂汗馬躍金鞍趙云應邵漢官儀曰封禪壇有  
白玉盤漢武內傳曰西王母以七月七日降帝宮命侍  
女索桃須臾以玉盤盛桃七枚又占詩曰美人贈我雙玉盤  
非閑使者徵求急自識

將軍禮數寬

杜康書云阮藉為禮法之士所絕賴大將  
軍保持之耳趙云上句違使者求賢事

莊子載顏闔守陋間苴布之衣而自飯牛魯君之使者  
至顏闔自對之使者曰此顏闔之家歟問對曰是也使  
者至帶顏闔曰恐聽者謬而違使者罪不若審之是者  
還反審之復求之則不得矣公詩以嚴公來時自先違  
使者通報非是求之急也自識將軍禮數  
寬則廉頗傳云不知將軍寬之至此也  
百年地闕柴

門迥五月江深草閣寒

趙云百年地闕以久荒蕪之地  
今才闕而立柴門于此障里絕

鮮所以幽迥也五月非寒之時以草閣  
臨深江所以寒與因驚四月雨聲寒同  
看弄漁舟移白

日老農何有罄交歡

趙云看弄漁舟則以言嚴公也嚴  
白日則終日也老農公自言也字

則孔子曰吾不知老農語曰何有于我哉漢曰曰郭解  
入閭賢豪交歡 苔溪漁隱曰待詩之作用字平側世  
固有定體衆共守之然不若用時變如兵之出體奇變  
化無窮杜公此篇即七言律詩之變體也韋蘇州詩南  
望青山滿禁闌曉陪鸞鷟正差池共愛朝來何處雪蓮  
葉宮裏拂松枝如上嚴公寄題錦江亭詩漫向江頭把  
釣竿亦是變體唐人如  
此甚多學者不可不知

嚴公廳宴同詠蜀道畫圖

得空  
字

日臨公館靜畫列地圖雄

禮記曾子問云公館復私館  
不復光武投與地圖指示鄧

劍閣星橋北松州雪嶺東

華陽記李冰造七星橋上應七星劍閣在劍州乃蜀

之門戶即星橋之北也吳漢伐公孫述光武謂日安軍宜在七星間蓋謂是也趙云七域志于威州云南去

雪嶺二百六十里松州即今之威州故在雪嶺東矣此兩句已盡蜀道地理華夷山不斷吳蜀

水相通

趙云蜀道地理連詔西羌錦江直下下經楚通吳此兩句又以終言蜀道地理興與煙

霞會清罇幸不空

趙云謝朓與江水曹詩山中正芳月故人清罇賞孔融曰罇中酒不空

### 奉送嚴公十韻入朝

鼎湖瞻望遠象闕憲章新

鼎湖黃帝事陸佐公石闕銘象闕之制其來已遠春秋設

舊章之教經禮垂布憲之文杜補遺風俗通義魯昭公設兩觀于門是謂之闕爾雅曰觀謂之闕釋名曰闕

在兩傍中闕闕然為道也博雅曰象觀闕也周禮懸治象之法于象魏故闕或謂之象闕謂之魏闕南史何遜

曰闕者謂之象魏象者法也魏者當塗而高大也趙云上句以言肅宗之上昇下句以言代宗之初立止承

周此兩句更與下憲章新尤為顯然也四海猶多難中原憶舊臣趙云舊臣指嚴

公嚴公既自朝廷來獨今憶與時安反側自昔有經綸

之而歸斯為中原舊臣矣月禮無敢反側光武云今反側子自安易云君子以經綸感激張天步從容靜塞塵

詩天步艱難三國吳志清天步而歸舊物南圖回羽翮北極捧星辰莊子夫鵬九萬

里而圖南趙云上句言嚴公入朝如鵬之圖南也下句言嚴公入奉天子如孔子所謂北辰居其所而衆星

拱之漏鼓還思畫宮鶯罷轉春趙云其得君常思日晝而朝見亦晝日三接之



義公到關日正夏時  
故公驚罷轉春也

空留玉帳街愁殺錦城人

唐藝文志有玉

帳經一卷兵書也

趙云玉帳者大帥將軍之帳言嚴

公之歸朝而空留玉帳之術則錦城人愁而思德之也

閣道通丹地江潭隱白蘋

趙云天子殿上謂之丹墀一說禁中謂之彤庭言丹地也

張正見艷歌云執戟趨丹地豐貂入建章下句公自言

其在草堂蓋堂之前臨浣花江近百花潭故謂之江潭

爾雅曰苹草也其大者蘋屈原湘夫人詞曰登白蘋

兮聘望柳惲詩曰汀洲採白蘋隱于白蘋州渚聞言蘋

之多也此生那老蜀不死會歸秦公若登台輔臨危莫愛

身

言當殺身以成仁也

趙云末句之意所謂贈人以言者論語危而不持顛而不扶則將焉用彼相矣

酬別杜二

嚴武

獨逢堯典日再覩漢官時

堯將遜于位讓于虞舜作堯典時代宗初立蓋取虞舜作

先典之義

未效風霜勁空慙雨露私

趙云未效風霜勁正以嚴為御史大夫也御史

風霜之任傳雨露之所潤

夜鍾清萬戶曙漏拂千旗並向斜亭謁俱

承別館追斗城憐舊路渴水惜歸期

長安故城城南為南斗形北作北斗

形故號曰斗城三輔黃鳳書

峯樹還相伴江雲更對垂試回滄海棹

更如敬亭詩祇是書應寄無忘酒共持但念心事在未肯鬚毛衰最悵巴山裏清猿惱夢思

與嚴二歸奉禮別

別君誰暖眼將老病纏身出涕同斜日臨風看去塵商

歌還入夜巴俗自為隣

紀瞻傳曰臣聞易失者時不再者年故古之志士義人負鼎走

商歌于市誠欲及時效其忠規名傳不朽為隣見上注

尚魏微軀在遙聞咸禮新

山東羣盜散闕下受降頻諸將歸應盡題書報旅人

送嚴侍郎到綿州同登杜使君江樓宴

得心字

野興每難盡江樓延賞心

王子猷訪戴逵乘興而來興盡而反工部返其意趙云延

展所賞之心也謝靈運云良辰美景賞心樂事

歸朝送使節落景惜登臨

宋玉悲秋

云登山臨水送將歸謝靈運有登臨海嶠詩

稍稍煙集渚微微風動襟

趙云選有

煙渚字風言動襟則宋玉  
風賦曰披襟而當之也

重船依淺瀨輕鳥度曾陰

趙

淺瀨出文選王仲宣詩巖阿增重陰

檻峻背幽谷窻虛交茂林

詩云出自幽谷蘭亭

記茂林修竹

水花

一作

散遠近月彩靜高深

趙云左傳量地遠近謝玄暉詩

瞻望極高深

城擁朝來客天橫醉後參

曹子建云參橫斗沒言夜深也

窮途

衰謝意苦調短長吟

趙云阮籍哭窮途周王褒與周弘讓書年事邁盡容髮衰謝選有永

嘯長吟短歌微吟

此會共能幾諸孫賢至今

趙云指言杜使君于公為孫行也

不勞朱戶閑自待白河沈

薛云左傳晉文謂舅犯曰所不與舅氏同心者有如白水

遂沈壁于河趙云朱戶謂綿州州治也白河沈言天河之沈隱夜艾也天河曰銀河其白可知宋之問明河

篇曰水精簾外轉逶迤俾彼昭回如練白則名之為白  
河何疑焉薛注非是 新添陳遵每大飲賓客滿堂輒  
關門取客車轄投水中雖有  
急終不得去末句用此意

奉齊驛重送嚴公四韻

驛去錦州三十里

遠送從此別青山空復情

趙云謝玄暉銅雀臺詩芳襟染淚迹嬋娟空復情

幾

時杯重把昨夜月同行列郡謳歌惜三朝出入榮

三朝武士

明肅代也江村獨歸處寂寞養殘生

巴西驛亭觀江漲呈竇使君二首

宿雨南江漲波濤亂遠峯孤亭凌噴薄

見直氣森噴薄注

萬井

逼春容

趙云學記曰善待問者如撞鐘叩之小則小鳴叩之大則大鳴待其從容然盡其聲注云從

讀如富父春戈之春春謂擊也以爲聲之形容言鐘之爲體必待其擊每一春爲一容然後盡其聲公于江漲言春容則借字以言水撞擊之狀如古詩有云春容轉林篁借字以言其行之悠悠如鐘聲一春一容之未便盡也師云古詩相聚得春容霄漢愁高鳥泥沙困老龍宿雨以致高鳥之愁泥沙以致老龍之困此言小人在位而君子沈困也天邊同客舍攜我豁心胸趙云實使君亦是客同在驛亭中者故云

其二

轉驚波作怒即恐岸隨流賴有盃中物還同海上鷗陶

明詩曰天運苟如如且進孟中物列子云海上下關心小  
人好鷗鳥其父欲取玩之明日鷗鳥舞而不下

剡縣傍眼見揚州

王子猷居山陰雪夜訪戴安道安道時在剡縣便乘小舟詣之公欲東遊

因觀江漲而為接情人飲朝來減片愁  
若見揚州也

又呈寶使君

向晚波微綠連空岸脚青

文選春草碧色春水綠波送君南浦傷如之何日兼

春有暮愁與醉無醒漂泊猶盃酒踟躕此驛亭相看萬  
里別同是一浮萍

遣憂

亂離知又甚消息苦難真

詩云亂離瘼矣矣其適歸言亂離實甚雖聞其消息而不

真受諫無今日臨危憶古人

北禮天子齋戒受諫

紛紛乘白馬攘

攘看黃巾

後漢靈帝時鉅鹿人張角自稱黃天其部師有三十六萬人皆著黃巾同日反叛王審知

乘白馬履行陣望者披靡號白馬將軍師云張湛光武時朝或有情容湛輒陳諫其失常乘白馬帝每見湛輒言白馬生

且復諫矣

隋氏留宮室焚燒何太頻

如項羽燒秦宮室三月火不滅之類

唐太宗入洛觀觀隋宮殿歎曰逞侈心窮人欲無止得乎撤端門樓焚乾陽殿

### 早花

西京安穩看不見一人來臘月巴江曲山花已自開盈



盈當雪杏艷艷待春梅直恐風塵暗誰憂客鬢催

巴山

巴山遇中使云自陝城來盜賊還奔突乘興恐未回天

寒名伯樹地瀾望仙臺

詩甘棠美名伯也漢武立望仙臺

狼狽風塵裏

羣臣安在哉

狼狽見上北征補遺漢書主父偃傳云徐樂嚴安與偃俱上書書奏上召見三人謂

謂公皆安在何相見之晚也

收京

復道收京邑兼聞殺犬戎

時肅宗尅復京師公聞之故有此詩王洙亦公詩云明年

收京扈從  
還長安

衣冠却扈從車駕已還宮

按肅宗紀云至德二年十二月丙午

上皇天帝至自蜀凡從蜀郡從三品以上予予一子官四品以下與一子出身官即興慶宮也

尅復誠

如此扶持在數公

時王室再造賴子儀光弼數公詩意言京師尅復實數公扶持之力也

莫令回首地慟哭起悲風

巴西聞收京送班司馬入京

聞道收京廟鳴鸞自陝歸

漢書司馬相如傳云鳴玉鸞言京廟既收天子鳴鸞自陝

而歸也

傾都看黃屋正殿引朱衣

漢高祖紀曰紀信乘王車黃屋左纛注謂天子

車以黃繒為蓋裏又文選范曄詩云黃屋非亮心

劍外春天遠巴西敕使稀念

君經世亂匹馬向王畿

周禮職方氏方千里曰王畿

送司馬入京

羣盜至今日先朝忝從臣歎君能戀主久客羨歸秦

公詩

又有不死會歸秦之句

黃閣長司諫丹墀有故人

丞相宰輔政事之堂曰黃閣文

選劉孝標廣絕交論云彰組雲臺者摩有趨走丹墀者疊跡前漢班婕妤好退處作賦云俯視兮丹墀思君兮履

集向來論社稷為話涕霑巾

文選飛平子四愁詩云側身北望涕霑巾又潘安仁

懷舊賦云步履麻以非徊涕泣流而霑巾

花底

紫萼扶千藥黃鬢照萬花忽疑行暮雨何事入朝霞恐

是潯安縣堪留衛玠車

潯岳為河陽令植桃李花人號曰河陽一縣花衛玠左傳伍中

有異乘白羊車所至看者如堵號為壁人深知好顏色莫作委泥沙

### 柳邊

只道梅花發那知柳亦新枝枝揔到地葉葉自開春古人

為歌詩使枝枝葉葉字尚質而不文也如曹子建艷歌枝枝自相植葉葉各相當至于美是詩用此字遂脫去俗韻真典石紫燕時翻翼黃鸝不露身漢南應老盡灞

成金手也

上遠愁人

城上

草滿巴西綠空城白日長

趙云按新唐書地理志閬州本龍州巴西郡以避玄宗諱

致風吹花片片春動水茫茫八駿隨天子

趙云列子穆王命駕八歲

之其云隨天子則穆王謂之穆天子也

羣臣從武皇

趙云漢武帝也帝初幸汾陽至洛陽始秦

幸郡縣寔尋于泰山矣其所巡幸周萬八千里羣臣之從可知也

遙聞出巡守早晚遍

遐荒

趙云代宗廣德元年十月吐蕃寇奉天武功而子車駕幸陝州戍寅吐蕃陷京師末旬不敢言天子

蒙塵始以巡守微言之耳而云遍巡守則以已聞僻遠雖今歲猶未知車駕去歲便歸長安之實但傳聞或議

北上蕭關或從東巡滄海且又欲徙洛陽也尚書五載一巡守

翫月呈漢中王

王名珣讓皇帝之子  
汝陽王璿之弟也

夜深露氣清江月滿江城浮

一作游

客轉危坐歸舟應獨

行

後漢書云茅容避  
而樹下危坐愈恭

關山同一照

趙云照字舊一本作  
照非也照字乃出月

賦千里共  
明月之意

烏鵲自多驚

古樂府月明星稀烏鵲南  
飛遶樹三匝何枝可栖

欲得

淮王術風吹暈已生

淮南子月隨灰而暈缺注云以蘆  
灰環月缺其一面暈亦隨缺杜田

古樂府宋王褒關山月云

天寒光轉白風多暈欲生

漢州王大錄事宅作

南溪老病客相見下肩輿近髮看烏帽催萼煮白魚宅

中平岸水身外滿牀書憶爾才名叔含悽意有餘

陪王漢州留杜綿州泛房公西湖

舊相恩追後春池賞不稀

房琯相肅宗以事責官出為漢州刺史湖琯所鑿也

趙

云按新店書房琯于乾元元年以宰相貶出為邠州刺史政聲流聞召拜太子賓客遷禮部尚書為晉漢二州刺史思追後則指言于恩追而未行之間其必數數遊湖此追道其實也闕庭分未到舟楫

有光輝

趙云言未到天子闕庭且于此遊湖而當承恩命時則舟楫為有光輝矣東京賦云闕庭神麗

書高宗云用

汝作舟楫

鼓化萼絲軟刀鳴鱗縷飛

世說王武子前有羊醢問陸雲

吳中何以敵此雲曰千里萼英但未下鹽鼓杜補遺本草云萼生水中中葉以鳧莢採莖堪啖花黃自月至八

月莖細如飯股通名絲萼趙云萼言湖中所有也使君雙皂蓋灘淺正相依趙云

雙皂蓋言王杜二使君也漢制中二千石  
二千石皆皂蓋朱兩轡出後漢輿服志

### 舟前小鵝兒

漢州城西北角官池作趙云官池即房公湖琯未為漢州刺史

止謂之官池後人以其池經房公修之故名之曰房公湖

鵝兒黃似酒對酒愛新鵝引頸嗔船逼無行亂眼多翅

開遭宿雨力小困滄波客散曾城暮狐狸奈若何

趙云此篇

甚明不煩強注鵝兒黃似酒蓋自公始為之譬也東波詩云小舟浮鴨綠大杓瀉鵝黃乃用此意項羽歌云虞

兮虞兮奈若何



得房公池鵝

房相西亭鵝一羣眠沙泛浦白于雲鳳凰池上應回首

為報籠隨王右軍

趙云鵝有鳳池之望恐為王右軍籠去此蓋公以自興也鳳池事荀勗罷

中書令為尚書人賀之乃曰奪我鳳凰池何賀我耶右軍事王羲之性愛鵝見山陰道士有羣鵝為寫道德經遂籠鵝而歸今公詩意蓋以興己之不必望趨華近已甘從高人所愛而隨之以飲啄也

九家集注杜詩卷二十三

欽定四庫全書

九家集注杜詩卷二十四 宋 郭知達 編

近體詩

戲作寄上漢中王二首

王新詠  
明珠

雲裏不聞雙鴈過掌中貪見一珠新

趙云會稽典錄曰  
虞同少有孝行為

日南太守常有雙鴈宿止廳上幽明錄張華言入九館  
之人所見癡龍初一珠食之天地等壽鴈言雲裏則魏

應璩曰詩朝鴈鳴雲中珠言掌中則佛書有云如掌中  
珠新添詩謂久無音問以王新得子故也漢使謂單

于曰天子於上林射得鴈鴈足有蘇武擊書三輔決  
錄孔融見韋元將與其父書曰不意雙珠生於老蚌秋

風嫋嫋吹江漢只在他鄉何處人

趙云屈原湘夫人篇云嫋嫋兮秋風吹江

漢則公作此詩時在夔州也公故於夔州每用江漢則二水所經會于荆渚之下秋風嫋嫋吹江漢之際是何處人在此他鄉所以自述也

其二

謝安舟楫風還起梁苑池臺雲欲飛

趙云謝安以比漢中王安嘗與孫綽

等汎海風起浪涌諸人並懼安吟嘯自若人咸服其雅量西京雜記曰梁孝王好宮室苑囿之樂築兔園謝靈運雪賦歲將暮時既昏寒風積愁雲繁梁王不悅游於兔園俄而微霰零密雪下

杳杳東山携

漢妓泠泠

一作陰陰

脩竹待王歸

杜補遺續漢書梁孝王兔園多植竹即所謂脩竹園

地志云孝王東苑方三百里園苑中有鴈池脩竹園  
趙云上句戲漢中王方在舟中其搗妓東山之興尚香  
杳然又所以成謝安舟楫之句脩竹  
待王歸又所以成梁苑池臺之句

投簡梓州幕府簡韋十郎官

新添

幕下郎君安隱無

趙云隱讀從穩佛書  
問訊世尊安隱否

從來不奉一行

書固知貧病人須棄能使韋郎跡也疎

孟浩然詩不才  
明主棄多病故

人疎亦  
此意

答楊梓州

問到房公池水頭坐逢揚子鎮東州却向青溪不相見

回船因載阿戎遊

趙云青溪應地名偶同不然指水之青碧為青溪若綠水白水之義古詩

云青溪如委黛載阿戎遊必是紀其載兒以遊也阮籍謂王渾曰共卿言不如與阿戎談阿戎戎也渾之子

贈韋贇善別

扶病送君發自憐猶不歸

詩式微式微胡不歸祇應盡客浪復作

掩荆扉

趙云客淚言為客之淚也雖宋人之際其身江亦察胡爾沈休文宿東園詩云荆扉新且故江

漢故人少音書從此稀往還二十載歲晚寸心違

趙云寸心

字本於列子載龍叔謂文摯曰吾見子之心矣方寸之地虛矣左傳云王必不違又文選庾信愁賦云且將一寸心能容萬斛愁又稽叔夜幽憤詩事與願違茲淹留又張季鷹秋日北園詩旅途驚歲晚歸興與心違

送李卿煜

王子思歸日長安已亂兵

趙云王子指李煜也時有吐蕃之亂

霑衣問行

在

趙云十月代宗出幸陝也

走馬向承明

趙云漢承明殿在未央宮霍光傳太后幸未央承明

殿是已此兩句併言李煜所以去之事漢武帝詔嚴助居承明之廬

暮景巴蜀僻春風江

漢清

趙云歲暮之時僻在巴蜀公每有意為荆楚之遊預言其當春時在江漢間矣故云

晉山雖

自棄魏闕尚含情

趙云按宣室志載唐故尚書李公銑鎮北門時有道士尹君者隱晉山不

食粟當餌柏葉與今公在蜀詩全不相干按新唐書地理志閬州晉安縣下注云本晉城避隱太子諱更名此所謂晉山乎以俟博聞魏闕天子之關也魏者大也所謂象魏是已莊子云身在江湖之上而心馳魏闕之下

江文通詩云臨風默含情此兩句公  
自言其身在外而心常在朝廷也

絕句

江邊踏青罷回首見旌旗

趙云或云江邊踏青乃成都事每以三月三日出郊言踐

踏青草故謂之踏青是不知處處皆然孟浩然大隄行  
云歲歲春草生踏青三兩日又豈特川中邪新添注唐

李綽輦下歲時記上已賜宴羣臣於  
曲江傾城人物於江頭禊飲踏青

風起春城暮高樓

鼓角悲

趙云古樂府  
春城起風色

九日登梓州城

伊昔黃花酒如今白髮翁

月令云菊有黃華費長房謂  
桓景曰九月九日可登高飲

菊花酒  
以除災

追歡筋力異望遠歲時同

禮記老者不以筋力為禮

弟妹悲

歌裏朝廷醉眼中兵戈與關塞此日意無窮

趙云兵戈以言格戰

關塞以言屯戍時吐蕃之亂既與之戰且有防守也

### 九日奉寄嚴大夫

九日應愁思經時冒險艱

左傳曰險阻艱難備嘗之矣

不眠持漢節

何路出巴山

燕武傳匈奴徙武北海上牧漢節牧羊卧起操持節旄盡落趙云武為明皇肅宗

山陵攝道使故云不眠持漢節也下句則公自言蓋公

時方在梓久客而欲出耳蜀都賦云東則左綿巴中百

濮所充蓋自綿

小驛香醪嫩重巖細菊斑遙知簇鞍馬

而東乃巴也



回首白雲間

趙云此言九日所遇之景物也於此遙想其簇鞍馬而回首白雲以望之此嚴武所

謂杜二見憶者也

巴嶺荅杜二見憶嚴武

卧向巴山落月時兩鄉千里夢相思

趙云嚴杜相去千里各在一涯而夢

想也蓋亦千里共明月之意

可但步兵偏愛酒

阮籍閱步兵厨多美酒營人善釀求為校

尉也知光祿最能詩

謝光祿名莊字希逸七歲能屬文所著文字四百餘首行於世仕至

光祿大夫江頭赤葉楓愁客

楚詞湛湛江水兮上有楓

籬外黃花菊對誰

張季鷹黃花如散金

跋馬望君非一度冷猿秋鴈不勝悲

薛云此詩洪覺

範謂之骨  
含蘇李體

懷舊

趙云此篇與下所思不見二篇蓋同時作何者公於三人平生之所善蘇源明已死

而追悼之題則曰懷舊鄭虔貶台州而聞其消息題則曰所思李白久不見而近不得其音信故題曰不見懷舊晉潘安仁追悼楊肇父子嘗作懷舊賦故公倚以為題

地下蘇司業情親獨有君

趙云司業即源明也公於下自注地下字云王隱晉書載

蘇詒見其弟節云卜商顏淵今為地下修文郎天寶間源明自東平太守召為司業其後以秘書少監卒今云司業則其當時聲稱之著也

那因喪

一作哀

亂後便有一云

作

死生分

趙云

喪亂一作哀亂便有一云便作皆非蓋時雖亂而非哀便作不若便有之快

老罷知明鏡悲

來望白雲

趙云南史蔡興宗傳太尉沈慶之曰加老罷私門兵刀頓闕知明鏡則因明鏡而知其老

罷之狀也李陵與蘇武詩仰視浮雲翔馳又蘇武別弟詩曰仰視浮雲翔

自從失詞伯不復

更論文

趙云王充論衡有云文詞之伯論文見魏文典論

所思

得台州鄭司戶度消息

鄭老身仍竄台州信所

一作始

傳

趙云古樂府有云有所思而古詩云所思在遠

道度遠著作郎以安祿山之汙免死貶台州司戶參軍

為農山澗曲卧病海雲邊

趙云前漢楊惲云願為農夫沒此生矣謝玄暉有在郡卧病呈沈尚書詩卧病對為農公古詩亦云卧病識山

鬼為農知地形

世已疎儒素人猶乞酒錢

趙云度好飲而貧乏公嘗與詩云賴有蘇

司業時時與酒錢故今言人猶乞酒錢所以拈出舊語也徒勞望牛斗無計斲龍泉

晉書張華實劍事蓋以劍比鄭公之在台州如埋埋土中雖遠望其有衝牛斗之氣而無由掘顯之也台州鄭志曰縣有龍泉可以砥礪刀劍特堅利是以龍泉之劍為楚寶也又越絕詩曰楚王令人之吳越見鷗冶子干將使為鐵劍三枚一日龍泉二曰太阿三曰工市

不見

近無李白消息趙云漢文帝紀云吾久不見賈生公倚以為題

不見李生久佯狂真可哀

趙云箕子避紂而被髮佯狂唐新史載白以永王璘之累

長流夜郎會赦還潯陽坐事下獄

世人皆欲殺吾意獨憐才

趙云潯陽之役蓋亦

衆人欲殺之證乎

敏捷詩千首飄零酒一盃

趙云漢書嚴延年為人短小精悍敏

捷於事齊陸厥與沈約書云揚脩敏捷謝惠連雪賦云  
憑雲升降從風飄雲王僧孺致仕表云董薜朝承飄零  
已及酒一杯素問云飲以美酒一盃新添  
張翰曰使我有身後名不如生前一盃酒  
匡山讀書

處頭白好歸來

白始隱岷山後客任居徂徠山而並  
不載匡山杜補范傳正李白新基

碑云白厥先避仇客居蜀之彰明太白生焉彰明有大  
小匡山白讀詩於大匡山有讀詩臺尚存其宅在清康  
鄉後廢為僧坊號隴西院蓋以太白得名院有太白像  
唐綿州刺史高忱及崔令欽記所謂匡山乃彰明之大  
匡山非匡廬也趙云詩意則公既在  
蜀而白舊有讀書處欲招其歸來也

題玄武禪師屋壁

今梓州中江  
縣古玄武縣

何年顧虎頭滿壁畫瀛洲

虎頭僧相也杜正謬云歷  
代名畫記曰顧愷之字長康

小字虎頭多才氣尤工丹青傳寫形勢莫不絕妙曾於  
瓦棺寺北殿畫維摩詰像畫苑光熙月餘日題云洪駒  
父嘗云顧愷之小字虎頭維摩詰是過去金粟如來故  
乞瓦棺寺北殿摩詰之詩卒章云虎頭金粟影神妙極  
難忘乃注云虎頭僧相金粟金地此殊可笑也洪之說  
如此以虎頭為愷之小字蓋本古今畫錄所云耳然歐  
陽率更作類書于甘肅門載世說曰顧愷之為虎頭將  
軍世說即即宋劉義慶之書其去晉為未遠而歐陽率  
稱小字一是官號當俟博物者辨之瀛洲神仙十洲中  
之一名也

赤石山林氣青天江水流

此皆言所畫之景物也水一作海

錫飛

常近鶴

天台賦振金策之鈴鈴飛錫杖也又云高真飛錫以躡虛注云得真道之人執錫杖而行於虛

空故云飛也杜補遺圖經載舒州潛山最奇絕而山麓尤勝誌公與白鶴道人欲之同請於梁武帝帝以二

人悉具靈通俾各以物識其地得者居之道人云某以  
鶴止處為記誌公云某以卓錫處為記已而鶴先飛去  
至麓將止忽聞空中錫飛聲遂卓於山麓道人不憚然  
以前言不可食乃各於所識之地築室焉今之山祖寺  
靈仙觀即**杯渡不驚鷗**高僧傳杯渡者不知其名姓常  
其故地也**杯渡**乘木杯渡河因名焉佛圖澄變  
化詭異圖澄在石勒時以為海鷗杜正謬云傳燈錄  
云劉宋時杯渡者不知姓名常乘木杯渡水止宿一家  
有金像求之弗得因竊以去主人追之至孟津浮木杯  
渡河無假風棹輕疾如飛趙云錫飛杯渡則必畫僧  
之登山渡水者以不驚鷗**似得廬山路真隨惠遠遊**趙  
字貼之取列子狎鷗之意**似得廬山路真隨惠遠遊**趙  
言所畫之趣似是廬山路可以尋惠遠大師也

聞官軍收河南河北

趙云史朝義已滅漸復河  
南河北矣故公遠聞而賦

詩也

劍外忽傳收薊北初聞涕泣滿衣裳

漢高祖從燕將臧荼為燕王都薊薊

即幽州薊縣唐分十道薊為漁陽屬河北道師云唐寶應元年諸將擊史朝義朝義走河北遼克東都十一

月朝義幽州守將李懷光斬其首表獻河北平却看妻子愁何在漫卷詩書喜

欲狂

趙云公每憂喪亂而妻子流離既聞收薊北則天下有平定之理所以却看妻子而不知其愁之所

在下句謂讀書之際聞已收薊北得與妻白日放歌須

縱酒青春作伴好還鄉

放歌縱酒即喜欲狂之意即從巴峽穿巫峽

便下襄陽向洛陽

公自注云余田園在東京趙云此公之意欲離蜀還鄉矣



涪江泛舟送韋班歸京

得山字

追餞同舟日傷心一水間

趙云同舟而濟古詩云相望一水間心一作春

飄零

為客久衰老羨君還

吳韋曜自陳衰老求去侍史二官

花雜

一作遠

重重

樹雲輕處處山

梁元帝春日詩春情處處多何遜詩客子行行倦年光處處華

天涯故

人少更益鬢毛

班人鮮少矣憂思朋舊而鬢班也

春日梓州登樓二首

行路難如此登樓望欲迷

古樂府有行路難篇

身無却少壯跡有

但羈栖江水流城郭春風入鼓鞀

趙云正月史朝義雖減而三月党項羌寇

同州郭子儀敗之子黃堆山兵戈猶未可已所  
以有鼓鞞樂記聽鼓鞞之聲則思將帥之臣  
雙雙新

燕子依舊已銜泥  
古詩思為雙飛燕銜泥巢君堂

右一

天畔登樓眼隨春  
一作風入故園  
公前篇自注云余田園在東京戰場今

始定移柳更  
一作豈能存  
趙雲故園之下雲戰場則又指東京而言是時史朝義已滅賊

場雖定而故園經盜賊所移之厭蜀交游冷思吳勝事  
柳豈更能存乎更字乃疑辭也

繁  
公久居蜀交游少前詩有天涯故人少之句應須理意欲遊兩浙也張翰在洛因秋風起而思吳

舟楫長嘯下荆門  
杜補遺云素菰宜都山川記曰南崖有山名荆門北崖有山名虎牙二山

相對有  
象門也

右二

遣憤

聞道花門將論功未盡歸

趙云花門回紇也壬寅賢應元年回紇請助國討賊次歲

癸卯廣德元年  
史朝義自縊死

自從叔帝里誰復總戎機

趙云言既復帝里誰人總

兵柄乎忍回紇時  
功難制而作逆也

蜂螫終懷毒雷霆可震威

左傳曰君無謂邾小

蜂螫有毒況國乎  
趙云蜂螫言回紇也公於此疑回  
紇其比之為蜂螫詩人眇之之辭也雷霆以言人君之

威賈山傳云人主之威非特雷霆也震之以威  
宜有不摧折者哉言欲制回紇必須以威震之

莫令

鞭血地

師云任昉書鞭血四海流離無所

再濕漢臣衣

送九歸成都

文章亦不盡竇子才縱橫非爾更苦節何人符大名

王晉

獻之年七八歲學書義之密從後掣其筆不得嘆曰此兒後當有大名易節卦苦節不可貞

讀書雲

閣觀問絹錦官城

文選東京賦起甘泉結雲閣觀南山注云二世起雲閣欲與南山齊又起

觀於南山巔

我有浣花竹題詩須一行

贈裴南部

聞袁判官自來欲有按問

塵滿萊蕪甌堂橫單父吟

范丹字史雲為萊蕪令清貧人歌曰釜中生魚范萊蕪甌

中生塵范史雲安子賤為人皆知飲水公輩不偷金攸鄧

卑父宰彈琴不下堂而治為吳郡載米之官惟飲吳水而已直不疑為郎同舍郎

告歸誤持同舍郎金去金主意不疑不疑買金償之後知非金主大

慚稱為長者梁獄書應作秦臺鏡欲臨師云鄭陽獄王出之西京雜記秦始皇有方鏡照見心膽女獨醒時

子有邪心者照之即膽張心動始皇輒殺之獨醒時所嫉羣小謗能深即出黃沙在何須白髮侵使君傳舊

德已見直繩心古詩清如玉壺冰直若朱絲繩

### 奉送崔都水翁下峽

無數涪江筏鳴橈揔發時筏海中舟編竹木為之別離

大曰筏小曰桴橈楫也

終不久宗族忍相遺白狗黃牛峽朝雲暮雨祠

白狗黃牛皆峽

名言崔都水所經從之地 宋玉高唐賦序夢巫山之經曰妾旦為朝雲暮為行雨旦朝視之如言故為立廟

號曰朝雲所過憑問訊到日自題詩

鄴城西原送李判官兄武判官弟赴成都

憑高送所親久坐惜芳辰遠水非無浪他山自有春

趙云

遠水非無浪以言其行路之苦辛他山自有春言去當春時觸處皆可行樂故有下句

野花隨處

發官

一作妖

柳著行新

江揔侍宴瑤泉殿詩云野花不識采旅竹木無行陶侃傳侃性敏察

嘗課諸營種柳都尉夏施盜官柳植之於已門侃後見尉車問曰此是武昌西門前柳何因盜來此種施謝罪

天際傷愁別離筵何太頻

題鄆縣郭三十二明府茅屋壁

江頭且繫船為爾獨相憐雲散灌壇雨春青彭澤田

師云

博物志云太公為灌壇令武王夢婦人當道夜哭問之曰吾是東海神女嫁於西海神童我行必有大風疾雨今為灌壇令當道廢我行武王覺召太公問之果有疾風暴雨從太公邑外而過又吳叔雨賦云紆灌壇之神馭為高唐之麗質陶潛為彭澤令郭明府乃鄆縣令灌壇彭澤皆令事故子美見之於詩以贈行也頻驚

適小國

孟子滕小國也

一擬問高天別後巴東路逢人問幾賢

客夜

客夜何曾著秋天不肯明

魏文帝行旅詩曰漫漫秋夜長烈烈北風涼展轉不能寐

披衣起彷徨之常語實道其事而句可謂詣理矣

趙云睡著天明通中國

入一作捲

簾殘月

影高枕遠江聲計拙無衣食途窮仗友生

管子曰衣食足而知榮辱

顏延年詠阮籍詩云詩雖有兄弟不如友生

老妻書數紙應恐未歸情

### 陪王侍御宴通泉東山野亭

江水東流去清罇日復斜

趙云文選長歌行百川東赴海何時復西歸齊謝眺與江

水曹詩山中上芳日故人清罇賞又梁劉苞望夕雨詩清罇久不薦淹留遂待君賈誼鵬賦云唐子日斜也

異方同宴賞何處是京華

趙云史曰秀異產於異方又云迨各異方庾信烏夜啼御



史用中何處宿文選昔余遊京華注云京華帝都也

亭影臨山水村煙對浦沙狂

歌過於勝得醉即為家

趙云過於字如過乎恭過乎儉之義豈言踰過於勝絕者乎

客亭

秋窓猶曙色落木更天

一作高

風日出寒山外江流宿霧

中聖朝無棄物老病已成

一作衰

翁

趙云老子長善救物故無棄物陳徐陵別

毛永嘉詩嗟余今老病此別恐長離此蓋公不怨天不尤人之意與孟離然不才明主棄多病故人疎之語有間矣以謂聖世才無大小皆量能適用無棄擲者而公亦自嘆其老矣不能用也王粲傳魏太子與吳質書云行年長大所懷萬端已

多少殘生事飄零已轉蓬

趙云曹植

成老翁但未白頭耳

雜詩曰轉蓬離本根飄飄隨長風類此客遊子捐軀遠  
從戎而表陽源效古詩云通知古時人所以悲轉蓬按  
淮南子曰聖人觀轉蓬而為車此借  
用其字以言人之飄零如蓬之轉也

行次鹽亭縣聊題四韻奉簡嚴遂州蓬州兩使  
君咨議諸昆季

馬首見鹽亭高山擁縣青雲溪花淡淡春郭水泠泠

趙云

花淡淡以其在雲溪故也陸士衡文賦音泠泠而盈耳又宋玉風賦云清清泠泠愈病析醒

全蜀多

名士

蜀都賦近則江漢炳靈世載其英鬱若相如儻若君平王褒陳曄而秀發揚雄含章而挺生禮云聘

名嚴家聚德星

陳仲弓從諸子造荀季和太史泰賢人聚故人號為德星聚

長歌意

無極好為老夫聽

趙云三嚴或以為嚴震之昆季按唐史震梓州鹽亭人西川節度使嚴武

署押衙武卒罷歸今公聞嚴武再鎮蜀自閬歸成都過此而見嚴氏則非嚴震家矣更俟博聞

倚杖

鹽亭縣作鮑煦詩倚杖牧雞豚

看花雖郭內倚杖即溪邊山縣早休市江橋春聚船

趙

山縣早休市道事的當益如小市當爭水矣

狎一作野

鷗輕白日

一作浪列子有狎鷗翁言

忘機故物亦不懼白日之中而不知光景之可重也勝一作遠矣

歸鴈喜

青天物色兼生意淒涼憶去年

泛江送魏十八倉曹還京因寄岑中允參范郎

中季明

遲日深江水輕舟送別筵

詩春日遲

帝鄉愁緒外春色淚

痕邊

公詩無一日而忘朝廷故望帝鄉每生愁緒對春色妍媚而下淚則其憂國之心可見矣

見酒

須相憶將詩莫浪傳

趙云見酒須相憶言別後他日事也下句公蓋自負其詩如此郭受

與公詩云新詩海內流傳困豈能遏其傳哉

若逢岑與范為報各衰年

送路六侍御入朝

童稚情親四十年中間消息兩茫然

趙云鄧禹傳父老童稚垂髫戴白滿

其車下言與路相得於總角時也

更為後會知何地忽漫相逢是別筵

不分桃花紅勝錦生憎柳絮白於綿

趙云天厨禁蠶者洪覺範之書也以

分桃花紅勝錦生憎柳絮白於綿謂之比興與格且曰錦綿色紅白而適用朝廷用真材天下福也惟真材者

忠正小人諂諛似忠詐許似正故為子美所不分而憎之不知於桃花柳絮何所據而便比諂諛詐許之小人

乎杜公造為新語其云不分生憎乃所以深言其紅白也劍南春色還無賴觸忤愁

人到酒邊

趙云桃花之深紅柳絮之曬白正是春色放蕩無所藉賴者觸忤愁人斷送今到於

酒邊以散其愁然所以愁者以別筵故也據新添無賴字見與聞集織女斜河亦復無賴

### 泛江送客

二月頻送客東津江欲平煙花山際重舟楫浪前輕淚

逐勸盃落愁連吹笛生

新添以送客之故而勸之酒淚所以以下吹笛以為樂今吹笛而

愁生亦是別情感動爾馬融去京踰年有洛客逆旅吹笛暫聞之甚悲感又文選向子期思舊賦云鄰人有吹笛者發聲寥亮追想曩昔遊燕之好感音而歎離筵不隔日難得易為情離筵祖錢

之筵也頻日送客亦難乎其為情哉

上牛頭寺

師云寰宇記山在梓州郪縣西南二里高一里形如牛頭四岸孤絕俯臨

州郭上有長樂寺樓閣煙花為一方勝景

青山意不盡衮衮上牛頭

趙云王濟云張華說史衮衮可聽蓋言已遊青山多矣其

意不盡乃相續而上牛頭也

無復能拘礙真成浪出遊花濃春寺靜

竹細野池幽何處鶯啼切移時獨未休

望牛頭寺

牛頭見鶴林梯逕繞幽林

一作秀麗一何深梯逕一何深陸士衡赴洛詩離思一何

春色浮

一作流

山外天河宿

一作沒

殿陰

趙云言殿之高若與天河相接

此與慈恩寺塔云七星在北戶同意宿一作沒蓋不若宿字之自然公詠江閣有云白雲巖際宿與此同義

傳燈無白日布地有黃金

釋書以燈喻法謂能破暗也六祖相傳一法故云傳燈釋

書有傳燈錄皆言傳法事趙云謂長明燈也止借釋書傳燈字用白日亦有燈故云無白日又佛書祇陀太

子以黃金側布給孤長者園中而延佛居住故凡言佛宇謂之金地又江寧縣寺有晉長明燈歲久不滅火色

變青而不熱隋文帝平陳羽其遠至今猶在

休作狂歌老回看不住心佛書有不

住相常住相趙云公止摘不住兩字  
為不住心義取於無所住而生其心也

### 上兜率寺

兜率知名寺真如會法堂

佛書有兜率天宮故取以名寺真如禪理也趙云真如

佛書云真際也故每題佛寺紀佛僧多用佛書中字

江山有巴蜀棟宇自齊梁

趙云

江山自有巴蜀時便有之此乃使羊叔子所謂自有宇宙來便有此山之義齊梁好佛佛宙當時齊梁時所建

庾信哀離久

庾信作哀江南賦趙云其所以哀者以金陵瓦解而竄身荒谷公自喻也

何

顓好不忘

何顓後漢人尚氣節感友人之義而為之復父離與李膺善後為宦官所陷亡匿汝南間



所至皆親其豪傑趙云公蓋言已身流離於外有庾  
信之哀而不忘交好如何顯者有抹之之心也然學者  
多疑其上佛寺詩而白牛車遠近且欲上慈航薛云清  
及此斯亦有所感乎涼禪師  
般若經序曰般若者若海之慈航昏衢之巨燭也杜  
補遺云法華經譬喻品曰有大白牛肥壯多力形體殊  
好以駕寶車  
蓋喻大乘也

望堦率寺

樹密當山逕江深隔寺門霏霏雲氣重閃閃浪花翻楚

九章曰霏雪紛其無垠兮雲霏霏而承宇海賦蜩像暫晚而閃屍不復知天大空餘見

佛尊老子云天大地大也佛時應清盥罷隨喜給孤園

釋書給孤園又給孤長者趙云前便引祇陀太子求給孤獨長者園以延佛居止故今佛宇亦稱給孤園

### 甘園

春日清江岸千甘二頃園

襄陽記李衡於武陵龍陽洲上種甘千樹臨死勅兒曰吾

州里有千頭木奴史記蘇秦傳使我有維陽負郭仁頃田安能佩六國相印

青雲羞葉密白

雪避花繁

郭模柑贊花染繁霜葉鮮翠藍趙云本言密葉如雲白花如雪而變其語乃云雲羞雪

避此公新奇之句

結子隨邊使開筒近至尊

蜀柑向時歲入貢

後於桃

李熟終得獻金門

公自託意於末句也

數陪章梓州泛江有女樂在諸舫戲為艷曲二

首

趙云一本作李梓州非是蓋後有陪章留後也

上客回空騎

趙云客既登船遣騎空回也史記平原君傳毛先生至楚而使趙重於九鼎遂以為

上佳人滿近船

選詩燕趙多佳人美者顏如玉

江清歌扇底

以扇自障而歌故謂

之歌扇

新添庚肩吾詩願以重光曲承君歌扇塵

野曠舞衣前玉袖凌風並

趙云

凌風並立想女樂不一其人矣所以成佳人滿近船之句

金壺隱浪偏競將明媚色偷

眼艷陽年

一作天吹朔雪千里趙云鮑明遠學劉公幹體詩朔風吹朔雪千里度龍山集君瑤臺裏飛舞兩楹

前旌辰自為美當避艷陽年艷陽桃李節皎潔不成妍今公意蓋謂佳人自銜其美色偷眼視春光以爭相勝

之意

其二

白日移歌袖青霄近笛牀

師云蔡琰詩笛牀近柳陰

翠眉縈度曲

古詩

度曲翠眉低

雲鬢儼分行立馬千山暮迴舟一水香使君自

有婦莫學野鴛鴦

師云古樂府陌上桑羅敷行使君自有婦羅敷自有夫李梓州有女樂故

公以此戲之又文選曹子建詩中有孤鴛鴦哀鳴求匹偶

登牛頭山亭子

路出雙林外亭窺萬井中

趙云佛書云佛說法於雙林樹下故公題佛宇每用雙樹

雙林字下句言亭之高可以窺井邑舊家也

江城孤照日山

一作春

谷遠含風

揚子雲羽獵賦云  
山谷謂之風哉

兵草身將老關河信不通

趙云時吐蕃猶盛

猶殘數行淚忍對百花叢

對花垂淚亦傷時之意也  
項羽傳歌數闋泣數行下

陪李梓州王閬州蘇遂州李果州四使君登惠

義寺

趙云師民瞻本作章梓州是

春日無人境虛空不住天

蓋取佛書不住相謂天運無常以成四時師云庾信賦

心遊不住之天趙云孫綽天台賦序  
踐無人之境杜牧之傳若涉無人之地

鶯花隨世界樓

閣寄

一作倚

山巔

趙云言當春時處處有鶯花世界字又取佛書中語也爾雅釋名山頂曰巔

遲暮身何得登臨意惘然

言身老而有所得也

誰能解金印蕭鼓

共安禪

一云三軍將五馬若箇合安禪 趙云此二句蓋諷四刺史誰能解所佩之金印而相與安禪

聖按陶潛解綬去職又溫遜嘗為邑宰解印綬而去

送何侍御歸朝

章梓州泛舟筵上作

舟楫諸侯餞車輿使者歸

趙云上句指言章梓州作泛舟之筵也下句言何侍御歸

朝也山花相映發水鳥自孤飛

趙云簡文帝云山川相映發義雖不同而以字語之

熟用之也春日垂霜鬢天隅把繡衣

趙云前漢暴勝之衣繡衣持斧為直指使者又

漢侍御史繡衣持斧言與何侍御把衣為別也

故人從此去

一作速

寥落寸心違

還又賦云吐滂沛乎寸心詩中心有違

江亭送眉州辛別駕昇之

得蕪字

柳影含雲幕

一作重

江波近酒壺

趙云雲幕言幕之如雲也字則漢成帝設雲幕

於甘泉宮

異方驚會面終宴惜征途

趙云李少卿書云異方樂祇令人悲又史云

秀異產於異方終宴字則曹子建詩公子敬愛客終宴不知疲也

沙晚低風蝶天晴喜

浴鳥別離傷老大意緒日荒蕪

文選長歌行云少壯不努力老大徒傷悲

涪城縣香積寺官閣

寺下春江深不流山腰官閣迥添愁含風翠壁孤雲細

背日丹楓萬木稠小院迴廊春

一作清

寂寂浴鳥飛鷺晚

悠悠諸天合在藤蘿外昏黑應須到上頭

釋書有諸天字皆言勝樂

事公之未章因以見志也  
趙云蓋言其高而近天爾

### 戲題寄上漢中王三首

時王在梓州初至斷酒不飲篇有戲述趙云

漢中王名瑀讓皇帝之子汝陽王璿之弟始封隴西郡公從明皇幸蜀至河池封漢中王

西漢親王子成都老客星

高祖起漢中今王封漢中王故云西漢親王子也後漢嚴

陵與光武同宿而史占云客星犯帝座公蓋自言身在成都為客也

百年雙白鬢一別五

秋

一作飛

螢

趙云公自言其老久與漢中王別而方再得相見五秋螢蓋是別後五見螢火矣

忍

斷盃中物祇看座右銘

陶潛云天運苟如此且進杯中物崔子玉作座右銘此蓋公言



不必斷酒却只拘不能隨阜蓋自醉逐浮萍阜蓋指漢中王之為  
守坐右銘為誠也梓州也言王既斷酒故不能隨其車蓋而自醉如浮萍之飄泊也

右一

策杖時能出王門異昔遊

房玄齡策杖謁太宗於河北下句謂其斷酒也趙云吳

越春秋云太王避狄杖策去邠史記云魯連子却秦君平原君欲封之遂策杖而去鄒陽曰何王之門而不可曳長裾乎王門異昔  
遊言王之斷酒爾已知嗟不起未許醉相留趙云已知漢中

王嗟我來見時不肯起去意在  
求飲而緣王斷酒未許留醉也蜀酒濃無敵江魚美可

求蜀都賦觴以醪清一醉累  
月又云嘉魚出於丙穴終思一酩酊淨掃鴈池頭

廣漢郡有金鴈池古老相傳云有金鴈一雙隱於此池日暖則見其影趙云天后時高嶠詩云駕言尋鳳侶乘歡俯鴈池則往時素有此名於池可以泛指為鴈池矣又兒童歌山簡曰日夕側載歸酩酊無所知

右二

羣盜無歸路衰顏會遠方

趙云上句指言僕固懷恩以吐蕃回紇虎項之兵入寇也

尚憐詩警策猶憶酒顛狂

文賦立片言以居要在一篇之警策杜補遺警駟動貌

策可以擊馬謂片言光益一篇亦猶以策擊馬得其警動又曹子建應詔詩僕夫警策平路是由蓋言以策而驅其馬使之疾行也其後梁鍾嶸詩品曰陳思贈弟仲宣七哀公幹思友阮籍詠懷謝靈運鄒中士衡擬古陶公詠貧之製惠連擣衣之作斯五言之警策者也趙云尚憐猶憶蓋主漢中王言之詩警策酒顛狂公自主

其身而

魯衛彌尊重徐陳略喪亡

漢中王兄弟俱領重鎮魏文帝與王粲書

陳應劉一時俱逝何數年之間零落殆盡徐幹陳琳應

瑒劉楨趙云上句公引魯衛之政兄弟之語下句言

王之賓客

空餘枚叟在應念早升堂

枚叟公自喻也趙云雷賦云召鄒

多喪也  
生延枚叟語  
由矣升堂矣

右三

陪章留後侍御宴南樓

絕域長夏晚  
茲樓清宴同

趙云李陵書出征絕域今公借而用之沈佺期古樂府坐

看長夏晚  
亦此意也

朝廷燒棧北

謂在大散之北也張良說高祖燒絕棧道趙云因宴南樓而

望長安也張良燒絕棧道鼓角滿一作天東趙云滿天

今摘其字用之言地理耳之西舊地多雨故名漏天則梓州當在其東所以形容

其地也蔡伯世正異漏天乃地名在雅州以其地多雨也居梓州之西

屢食將軍第趙云公自言其食于章留正文訛作滿

云將軍第字霍去病仍騎御史驄見上御史舊乘驄注為驃騎將軍辭第也

御史本無丹竈術那免白頭翁言無牡丹竈之術以延年

賦華陰上士服食還仙術既妙而猶學道以寂而未傳守丹竈而不顧鍊金鼎而方堅駕鶴上漢驂鸞騰天暫

遊萬里少別千年趙云魏文帝云已成一老翁冠盜但末頭白耳字如壺闕三老云夢白頭翁教臣也

狂歌外形骸痛飲中言以酒而自隱爾莊子索我形骸之內蘭亭記有放浪形骸之外

野雲低渡水簷雨細隨風出號江城黑題詩蠟炬紅

趙云

夜傳號令此節度府之事也當出號之時宴中方明燭而題詩又是紀實也此身醒復醉不

擬哭途窮

阮籍以酒自隱故得免當世之難常出不由徑遇途窮則慟哭而返公自言取籍之自隱

於酒不效其哭途窮也顏延年詠之云窮途能無慟

臺上

得涼字

改席臺能迥留門月復光

趙云改席則自南樓移於臺上也留門且未開城門也詩

月出雲霄遺暑濕山谷進風涼

月令云土潤溽暑溽濕也以臺高而在雲霄之

間不知暑氣之失去也揚子雲射獵賦山谷為之風哉

老去一盃足誰憐屢舞長

張翰云不如生前一杯酒詩云屢舞僊僊蜀都賦舒長袖而屢舞呂氏春秋韓子曰長袖善舞何須

把官燭似惱鬢毛蒼

後漢巴祇為揚州刺史不然官燭以章留後之宴故云官燭也

### 送王十五判官扶侍還黔中

得開字

大家東征逐子回

後漢扶風曹世叔妻班彪之女名昭字惠姬和帝數召入宮令皇后貴人

師事焉號曰大家其子穀為陳留長大家隨至官作東征賦迷所經歷趙云大家指言王判官母以班氏比

之也風生洲渚錦帆開

隋煬帝以錦為帆

青青竹筍迎船出白白

一云日日一云旦旦

江魚入饌來

杜補遺楚國先賢傳孟宗母好食筍冬月無之宗入林中哀號

筍為之生後漢姜詩并妻龐氏並至孝母好飲江水嗜魚鱸又不能獨食夫婦常力作鱸呼鄰母共之舍側忽

有湧泉味如江水每日輒出雙鯉以供  
母膳王判官待母還黔中故有此句  
離別不堪無限

意艱危深仗濟時才黔陽信使應稀少萬怪頻頻一作頻頻

勸酒盃

隨章留後新亭會送諸君

新亭有高會行子得良時高祖本紀云漢王入彭城置酒高會謝靈運詩良時不見

遺日動映江幕風鳴排檻旗絕輦終不改勸酒欲無詞

已墮峴山淚因題零雨詩晉羊祐傳襄陽百姓於峴山祐平生遊憩之所建碑望其

碑者莫不流涕杜預因名  
為墮淚碑詩云零雨其蒙

倦夜

竹涼侵卧内野月滿庭隅

趙云漢書引入卧内又王敦謂石崇曰誤入卿内古詩云

秋涼野月白

重露成涓滴稀星乍有無

師云崔融詩秋天零重露曹孟德云月明

星稀有無者星明滅之狀也

暗飛螢自照水宿鳥相呼

晉傅咸螢火賦序余曾獨

處顧見螢火熱以自照蜀都賦雲飛水宿

杜補遺師曠禽經陸鳥曰棲水鳥曰宿又云凡鳥朝鳴曰朝夜鳴

曰啾林鳥以朝嘲水鳥以夜啾今林棲之鳥多朝鳴水宿之鳥多夜叫啾音夜字見龍龕手鏡

萬事干

戈裏空悲清夜徂

有感時之志而不見用於時故徒悲清夜之徂往也趙云時吐蕃之兵

也方熾



悲秋

涼風動萬里羣盜尚縱橫家遠傳

一作待

書日秋來為客

情

此二事皆情意之極者

愁窺高鳥過老逐衆人行

言鳥東西南北尚有所適

老者尚為衆人行亦悲時之不過也

趙云家語見飛鳥過詩有鳥高飛始欲投三峽何由

見兩京

師云此公謀下峽也

對雨

莽莽天涯雨江邊獨立時

趙云於雨言莽莽可謂新奇矣蓋猶於日言野日荒荒白

江邊獨立其所思者遠矣意見下句

不愁巴道路恐濕漢旌旗

趙云巴道路自綿而

東也時治兵禦吐蕃公之意謂雖往來巴山雪嶺防秋之道路而不以為愁惟恐漏漢之旌旗矣

急繩橋戰勝遲

趙云雪嶺在松維州之外即西山也繩橋以岷江湍急不可為梁乃以竹繩而

為之駕虛以渡故號繩橋

西戎甥舅禮未敢背恩私

言父尚公主則子為甥中國為

舅氏也

趙云孟子帝館甥於貳室爾雅曰謂我舅者吾謂之甥初中宗景龍三年以雍王守禮女為金城公

主以妻贊普其後玄宗開元間遣使入朝奉表言甥言先帝舅云云今公言望其敦甥舅之禮而勿背焉師

云時吐蕃陷松州今言不背恩私蓋識失在中國也

警急

時高公適領西川節度趙云警急者言可警之急也字祖出漢書而魏植白馬篇

梁劉孝威結客少年場皆曰邊城多警急

才名舊楚將妙略擁兵機

以美高適也趙云考適傳自諫議大夫除揚州大都督

長史淮南節度使此所謂楚將也

玉壘雖傳檄松州會解圍

傳檄言吐蕃入寇檄

書相聞也松州正控吐蕃趙云蜀都賦包玉壘而為

字傳曰三秦可傳檄而定也言高公為節度可以傳羽

檄而解松州之圍也廣德元年吐蕃取隴右十

二月遂亡松維保三州公詩在未亡松州之前和親知

計拙公主漫無歸

趙云唐史永泰元年乙巳吐蕃方請和繼而又叛時議必再有請嫁公主

為和親計者故公云爾餘青海今誰得西戎實飽飛

見留花門公主歌黃鵠注自是益張雄易入寇則青海亦為其所有矣公既以吐

見贈哥舒翰開府詩注飽飛見送高適詩注趙云新

史景龍時吐蕃厚餉使者楊矩請河西九曲為公主湯

沐短表請與其地九曲者水甘草良宜畜牧近與唐接

自是益張雄易入寇則青海亦為其所有矣公既以吐

蕃既有青海宜其勢如鷹之飽而飛揚不就繫絕也

### 王命

漢北豺狼滿巴西道路難

趙云漢與巴相連蓋吐蕃入寇之地吳都賦云矜巴漢之

阻則以為襲險之右可以見巴漢之連矣血埋諸將甲

骨斷使臣鞍

趙云廣德元年使李之芳崔倫往聘吐蕃留不遣虜破邠州入奉天天子幸陝使臣

指李之芳崔倫曰骨斷則憂懼而骨欲斷折之義也

牢落新燒棧蒼茫舊築壇

燒棧

事見上注漢王齊戒設壇拜韓信為大將軍趙云時雍王适為兵馬元帥郭子儀副之而禦奉天之寇委之

子儀則舊築壇指郭令公也

深懷喻蜀道慟哭望王官

時段子璋反於東川適與

崔光遠遜戰斬之光遠不戰兵遂大掠至有斷士女腕  
取金者故民怨而望王官之至也趙云司馬相如有喻  
蜀檄公止取喻蜀字以言蜀父老望王官之至也舊注  
作段子璋反事自是上元二年高適為蜀州刺史時况  
今篇又不  
關涉高適

### 征夫

十室幾人在 千山空自多

論語十室之邑

路衢唯見哭 城市不

聞歌

民征戍故多悲哭哭  
豈復有笑歌之事

漂梗無安地

用民如榛梗爾  
漂泊不遑寧處

也趙云此  
句公自言爾

銜枚有荷戈

漢紀章邯夜銜枚擊項梁定  
陶顏師古曰銜枚者止言語

謹踞欲令敵人不知其來也周  
官有銜枚氏其狀如箸橫銜之

官軍未通蜀 吾道竟如

何

送元二適江左

亂後今相見秋深復遠行風塵為客日江海送君情

趙云

公自言其遭戰之時而飄泊於外晉室丹陽尹公孫白

帝城

溫嶠為丹陽尹趙云丹陽潤州也丹陽置尹在晉室為然今元二必是往潤州為守則舟行必經

白帝城而下也城乃公孫述所築

經過自愛惜取次莫論兵

元嘗應孫吳科舉論

兵字出古樂府

章梓州水亭

時漢中王兼道士席謙在會同用荷字韻

城晚通雲霧亭深到芰荷吏人橋外少秋水席邊多近

屬淮王至高門薊子過

趙云前漢淮南王劉安於近屬中

王後漢薊子訓有神異之道流名京師士大夫皆承風嚮慕之此言席道士又以尊章梓州能致異人也荆

州愛山簡吾醉亦長謠

趙云荆州以比梓州山簡都督荆湘交廣西州諸軍事荆土豪

族有佳園池簡出嬉遊多之池上置酒輒醉兒童歌之曰山公出何許往至高陽池日夕倒載歸酩酊無所知時時能騎馬倒著白接籬舉鞭向葛強何如并州兒葛強家在并州簡愛將也吾醉亦長謠則欲效兒童之為爾謠

送陵州路使君赴任

主室比多難高官皆武臣

時方急於賞功故武臣在高位

年亦可謂多難矣

幽燕通使者岳牧用詞人

趙云乾元二年祿山父子借號凡三

年而滅廣德元年史思明父子借號凡四年而滅安史既平幽燕路通矣使命可以往來也書觀四岳羣牧是

也詞人者文辭之人指言路使君也

國待賢良急君當拔擢新佩刀成氣

象行蓋出風塵

上句見左相呂虔刀注皂蓋行春趙時方吐蕃之亂道路風塵而刺史之

蓋出風塵以往也

戰伐乾坤破瘡痍府庫貧

乾坤破所在殘弊也箭漢季布傳瘡

瘡未

衆寮宜潔白萬役但平均

師蓋蓋識當時在位者貪暴取於民有偏也

趙云此四句以誠其公為政可謂贈人以言矣

霄漢瞻佳士泥塗任此身秋天



正搖落回首大江濱

趙云佳士又以此指路君泥塗則公自言也

薄暮

江水最深地山雲薄暮時寒花隱亂草宿鳥擇

一作深

枝

趙云史云鳥則擇木木豈能擇鳥

舊國見何日高秋心苦悲

莊子云舊國舊

和望之暢然漢書云秋高馬肥渠簡一

人生不再好鬢

髮白

一作自

成絲

東津送韋諷攝閬州錄事

聞說江山好憐君吏隱兼

晉孫綽嘗鄙山濤而謂人曰山濤吾所不解吏非吏隱非

隱

寵行舟遠客惜別酒頻添推薦非承乏操持必去嫌

他時如按縣不得慢陶潛

陶潛為彭澤縣令

惠義寺送王少尹赴成都

分得峯字

苒苒谷中寺娟娟林表峯欄干上處遠結構坐來重騎馬行春徑衣冠起暮鍾雲門青寂寞此別惜相從

### 西山三首

夷界荒山頂蕃州積雪邊

成都記西山冬夏積雪不消趙云唐松維二州維今之威

州一帶皆號西山與吐蕃分界其山最高故云夷界荒山頂

築城依

一作連

白帝轉粟

上青天

公孫述號白帝城在夔州李白蜀道難難於上青天言其轉粟之難也趙云高山之上築城

所以轉粟之難如如上青天秦州記曰金城郡漢元六年置應劭曰初築城得金故名鄒陽上吳王書曰轉粟流輸千里不絕晉史披雲霧而觀青天依則依如之也

蜀將分旗鼓兵助鎧鉞

一作井泉趙云以吐蕃陷松維保三州其勢迫蜀故分旗鼓以禦之下句蓋言僕固懷恩與之為寇也按唐史唐德二年七月僕固懷恩以吐蕃回紇西戎背和好党項等兵數十萬人入寇井泉字無義

殺氣日相纏

時吐蕃陷隴右趙云以蕃蕃背先帝時盟好而為寇不已殺氣日相纏結矣

右一

辛苦三城戍長防萬里秋

明皇還蜀後分東西兩川為兩節度西山列防秋三戌民

罷于役高適論之不聽

煙城侵火井

蜀有火井縣

雨雪閉松州

趙云松州已陷

閉於雨雪之中按唐地理志松州以地產甘松故名

風動將軍幕

一云蓋

天寒使者

裘

趙云廣德元年吐蕃沒松州是時既遣將以禦敵又遣使以和親故有是句幕謂戎幕一作蓋非是漫

平山賊營疊迴首得無憂

言賊壘之多也

## 右二

子弟猶深入關城未解圍

趙云子弟言充兵之少也漢書解平城之圍

蠶崖

鐵馬瘦灌口米船稀

蠶崖關灌口地名趙云蠶崖則西山之關隘處也雪多草枯故馬

不足充戰而瘦灌口在於永康軍亦近西川以漕運之多而不總故船稀

辯士安邊策元戎

決勝威

元戎元帥也史決勝千里之外趙云莊子曰子之談類辯士前漢車千秋贊此乃所以安邊

境

今朝烏鵲喜欲報凱歌歸

西京雜記乾鵲噪而行人至趙云周禮奏凱歌也

傳曰王師大

凱奏雅歌

右三

薄遊

趙云夏侯湛作東方朔畫瓊序云以為濁世不可以富樂也故薄遊以取位又謝靈運初去郡詩薄遊似邴生公自秦入西蜀自蜀而來東川浮遊不定故以此為題

浙浙風生砌團團日

一作隱墻謝靈運浙浙振條風班婕妤扇詩團團似明月

趙云梁何遜詩日的的帆向浦團團日隱洲惟其日晚則低而隱墻舊注輒改日作月殊不知下旬有秋

鴈滅暮雲長則  
日晚之景也

遙空秋鴈滅半嶺暮雲長病葉多先墜

寒花只暫香

秋興賦槁葉多殞趙云上句意義在病  
字與先字舊注引秋興賦槁葉多殞非是


巴城添淚眠

一作月

今夕復清光

趙云公於鄜州月詩云  
何時倚虛幌雙照淚痕

乾則以還家而淚乾今以薄遊無定見月而添淚也此  
句方是言月然不必有月字而義自明以今夕清光字  
見之矣



九家集注杜詩卷二十四

# 欽定四庫全書

集部

九家集注杜詩卷二十五至

詳校官侍郎臣謝墉

檢討臣何思鈞覆勘

總校官編修臣朱鈐

校對官中書臣甄松年

謄錄監生臣張覺民



欽定四庫全書

九家集注杜詩卷二十五

宋 郭知達 編

近體詩

送梓州李使君之任

公自注故陳拾遺射洪人也篇末有云洙曰拾遺陳

子昂常為縣令段簡收繫憂憤死獄中射洪梓州之屬縣也

籍甚黃丞相能名自隸川近看除刺史還喜得吾賢五  
馬何時到雙魚會早傳老恩筇竹杖冬要錦衾眠不作  
臨歧恨唯聽舉最先人雲揮汗日山驛醒心泉遇害陳

公殞于今蜀道憐君行射洪縣為我一潸然

洙曰漢黃霸為潁川

太守治為天下第一後代丙吉為丞相趙曰漢官儀太守五馬蓋天子六馬而諸侯五馬也古樂府客從遠方來遺我雙鯉魚呼兒烹鯉魚中有尺素書節竹與錦皆蜀中我出公從李使君求此二物也洙曰京房傳舉最當遷徙以課最被舉

王閬州筵奉酬十一舅惜別之作

萬壑樹聲滿千崖秋氣高浮舟出郡郭別酒寄江濤良

會不復久此生何太勞窮愁但有骨羣盜尚如毛吾舅

惜分手使君寒贈袍沙頭暮黃鸝失侶亦哀號

後山詩話杜牧

云南山與秋色氣勢兩相高最為鬱絕而子美纔用一句云千崖秋氣高語益工鶴曰時吐蓄黨項與僕同懷思之亂方殷故有羣盜尚如毛之句

閬州奉送二十四舅使自京赴任青城鶴曰青城縣屬

蜀州

聞道王喬寫名因太史傳如何碧雞使把詔紫微天秦嶺愁田馬涪江醉泛船青城漫污雜吾舅意淒然洙曰

喬為葉令每朔望自縣詣臺朝明帝怪其來數令太史伺望之言其臨至有雙鳧飛來於是舉羅張之得一隻鴈焉定功曰漢書方士言益州有金馬碧雞可祭祀致也宣帝使王褒往祀焉鄭曰秦嶺在秦州之東

放船

送客蒼溪縣山寒雨不開直愁騎馬滑故作泛舟迴青

惜峯巒遇黃知橘柚來江流大自在坐穩興悠哉

鮑曰唐志

蒼溪縣屬閬州舊常之曰五言律詩於對聯中十字作一意詩家謂之十字格如老杜放船詩云直愁騎馬滑故作泛舟迴對兩詩云不愁巴道路恐失漢旌旗江月詩云天邊長作客老去一沾巾是也鮑曰青惜峯巒遇黃知橘柚來舟行端移景物如畫雖速而不言速也吳子良荆溪林下偶談錢起云山來指樵火峯去惜花林不若子美青惜峯巒遇黃知橘柚來

奉待嚴大夫

鶴曰按唐紀上元二年建丑月以嚴武為成都君今公待其至詩云

不知旌節隔年回乃次年正月也又按舊史  
武出為錦州刺史劍南東川節度使兼御史  
中丞上皇詰以劍南兩川合為一拜武成都  
尹兼御史大夫充劍南節度此當在乾元二  
年裴冕為尹之前蓋上皇以上元元年七月  
移居西內已不復預國事矣武嘗三鎮蜀在  
光元裴冕之前為一是年為二廣德二年表  
公為參謀時為三也竇應元年成都作

殊方又喜故人來重鎮還須濟世才常怪偏裨終日待

不知旌節隔年回欲辭巴徼啼鶯合遠下荆門去獨催

身老時危思會面一生襟袍向誰開

洙曰偏裨謂諸將校也希曰偏裨字

見漢書馮奉世傳趙曰淮南子注獨大鳥也盡其象著  
船首以禦水患夢弼曰公聞嚴武至欲辭蜀之巴峽下

楚之荆門  
以送之也

奉寄高常侍

鶴曰高適為西川節度禦吐蕃師出無功亡松維等州以嚴武代還

用為刑部侍郎  
左散騎常侍

汶上相逢年頗多  
飛騰無那故人何  
總戎楚蜀應全未  
方駕曹劉不啻過  
今日朝廷須汲黯  
中原將帥憶廉頗

天涯春色催遲暮  
別淚遙添錦水波

洙曰地理志汶水出泰山萊蕪蜀亦

有汶川出西山趙云高適先除淮南節度後為西川節度故言總戎楚蜀修可曰方駕並駕也與方舟之方同  
廣絕交論適文麗藻方駕曹公言曹劉乃曹植劉楨也洙曰不啻猶過多也家語何翅惠哉漢書汲黯在朝淮南

疲謀言黯之材足以折衝千里也史記廉頗趙之良將也漢文帝嘗嘆曰吾獨不得廉頗李牧為將豈憂匈奴哉

### 奉寄章十侍御

公自注時初罷梓州刺史東川留後將赴朝廷鶴曰按唐史是

年嚴再鎮蜀因小忿召梓州刺史章彝殺之公是詩卻言其罷梓州將赴朝廷豈非將行時為武所殺又按彝去年夏方守梓未應得代當是其時欲入奏也

淮海惟揚一俟人金章紫綬照青春指麾能事回天地

訓練強兵動鬼神湘西不得歸闕羽

此人所諱者

河內猶宜

借寇恂朝覲從容問幽側勿云江漢有垂綸

來曰章彝揚州人趙

曰指麾所能之事雖天地亦可回誇大言之歐公曰時  
段子璋反章討平之故云洙曰蜀將闢羽字雲長先生  
收江南諸郡拜羽為襄陽太守益寇將軍駐江北先主  
西定益州拜羽督荊州事後漢寇恂字子翼光武收河  
內拜恂為太守後移潁川又移汝南太守潁川盜賊羣  
起內駕南征恂從至潁川盜賊悉降百姓遮道曰願從  
陛下復借寇君一年也留恂黃曰美章彞善守東川恐  
如闕羽寇恂不得去也希曰文選沈約恩倖論明揚幽  
側惟才是與晁曰江  
漢垂綸公自言也

將赴荊南寄別李劔州弟

鶴曰公仕蜀連往來  
梓闕間將欲出峽遊

荆楚後  
竟不果

使君高義驅今古寥落三年坐劔州但見文翁能化俗



焉知李廣未封侯路經灕瀕雙蓬鬢天入滄浪一釣舟

語特悽愴

戎馬相逢更何日春風回首仲宣樓

洙曰前漢循吏傳文翁為

為蜀郡太守仁愛好教化見蜀地僻陋有蠻夷風乃選  
郡縣小吏間敏有材者遣詣京師受業博士數歲皆成  
就還歸文翁又修起學宮於成都市中召下縣子弟以  
為學宮弟子繇是大化文翁終於蜀吏民為立祠堂歲  
時祭祀不絕至今巴蜀好文雅文翁之化也李廣傳廣  
弟子蔡俱為俱為郎蔡積功武帝封為樂安侯廣不得  
爵邑官不過九卿為之軍士及士卒或取封侯廣嘗與  
望氣王朔言之朔曰將軍自念豈嘗有恨者乎廣曰吾  
為隴西守羌嘗反吾誘降者八百餘人詐而同日殺之  
至今恨獨此事朔曰禍莫於殺已降此乃將軍之所以  
不得侯者也趙曰灕瀕堆在巫峽之口滄浪則漁父所  
歌滄浪之水在楚地公時欲南下也洙曰魏王粲字仲

宣以西京授亂乃之荊州依劉表嘗登城樓作賦故云仲宣樓

奉寄別馬巴州

公自注時甫除京北功曹在東川鶴曰按公傳云公流落劔南

結廬成都西郭台補京北功曹參軍不至會嚴武節度劔南東西川往依焉又按唐紀云上元二年建丑月以嚴為成都尹尹以是知公之除功曹在是年冬也時草堂方成道路多梗而嚴武又來是以不赴也

勲業終歸馬伏波功曹非復漢蕭何扁舟繫纜沙邊久  
南國浮雲水上多獨把魚竿終遠去難隨鳥翼一相過  
知君未愛春湖色興在驪駒白玉珂

謂不能就別和必為我來也春湖豈

所居或巴州景物也 洙曰馬伏波謂馬巴州也蕭何  
公自謂也後漢馬援少有大志以功名自許封伏波將  
軍修可曰劉貞父詩話云杜詩功曹非復漢蕭何按曹  
參嘗為功曹非蕭何也王定國云高祖紀何為主吏孟  
康注曰吾蕭何守會稽父之言誤矣二說皆非按吳志  
虞翻為孫策功曹策曰孤有征討事未得還府卿復以  
功曹為吾蕭何守會稽耳洙曰前漢王式傳注驪駒逸  
詩篇名也見大戴禮客欲去歌之其辭云驪駒在門僕  
夫具存驪駒在路僕夫  
整駕珂者馬勒飾也

### 泛江

方舟不用楫極目總無波長日容盃酒深江淨綺羅亂  
離還奏樂飄泊且聽歌故國流清渭如今花正多

趙云  
方舟

並船也字出爾雅觀曰曰深紅淨綺羅言江花色  
淨如綺羅也夢弼曰未句公思長安之景物也

陪王使君晦日泛江就黃家亭子二首

鶴曰王使君謂

閬州守也唐以正月晦日為令節

山豁何時斷江平不肯流稍知花改岸始驗鳥隨舟  
結東多紅粉歡娛恨白頭非君愛人客晦日更添愁

有徑金沙軟無人碧草芳野畦連蛺蝶江檻俯鴛鴦  
日晚煙花亂風生錦綉香不須吹急管衰老易悲傷

南征

春岸挑花水雲帆  
楓樹林偷生長避地  
適遠更霑襟  
老病南征日君思北望心  
百年歌自苦未見有知音

此等不忍

再讀

### 久客

羈旅知交態淹留見俗情衰顏聊自哂  
小吏最相輕去

國哀王粲傷時哭賈生狐狸何足道  
豺虎正縱橫

漢書

程公書其門曰一貧一富乃知交態漢末西京擾亂王粲去而依劉表於荊州賈誼文帝時上政事疏云可為

痛哭者一張綱傳豺狼當路安問狐狸

春遠

蕭蕭花絮晚菲菲紅素輕日長唯鳥雀春遠獨柴荆

語近

而數有閔中亂何曾劒外清故鄉歸不得地入亞夫營

鶴曰按史是年雖藩雖退而二月黨項寇京兆之富平縣故云數有閔中亂趙曰亞夫營在長安公之故鄉

近漢文帝時周亞夫軍細柳以備胡

暮寒

霧隱平郊樹風含廣岸波沉沉春色靜慘慘暮寒多成

鼓猶長擊林鶯遂不歌忽思高宴會朱袖拂雲和

洙曰周禮

大司樂奏雲和之琴瑟注雲和地名以其產良材而中為琴瑟也

### 愁坐

高齋常見野愁坐更臨門十月山寒重孤城水氣昏  
葭萌氏種迥左檐犬戎屯終日憂奔走歸期未敢論

鮑曰葭萌

屬利州見唐志在檐當作武檐見成都記

### 雙燕

禹餗曰此詩子美托物比已意鶴曰公有意於出峽

旅食驚雙燕銜泥入此堂應同避燥濕

喻自

且復過炎涼

養子風塵際來時道路長今秋天地在吾亦離殊方

符夢

曰左傳子罕曰吾儕小人皆有闔廬以避燥濕寒暑

百舌

十朋曰百舌者反舌能反覆其舌隨百鳥之音春鳴夏止

百舌來何處重重祗報春知音兼衆語整翮豈多身花

密藏難見枝高聽轉新過時如發口君側有讒人

山谷曰余

讀周書月令云反舌有聲後人在側乃解老杜百舌詩過時如發口君側有讒人有句鮑曰按周書月令乃周

公時訓也云世種之日煙娘生又五日賜始鳴又五日反舌無聲是謂陰息反舌有聲後人在側

地隅

江漢山重阻風雲地一隅年年非故物處處是窮途喪



亂秦公子悲涼楚大夫平生心已折行路日荒蕪

洙曰謝靈

運擬魏公子鄴中詩序王傑家本秦州貴公子孫遭亂流寓自傷情多楚大夫屈原宋玉也

遊子

趙云公時欲南下而尚在巴蜀故是篇有留滯之嘆

巴蜀愁難語吳門興杳然九江春草外三峽暮帆前

就成都卜休為吏部眠蓬萊如可到衰白問羣仙

趙云九江

三峽正是南下之所歷也洙曰史記嚴君平避世賣卜於成都市中晉書畢卓為吏部郎比舍郎釀熟卓因醉夜至其甕間盜飲之為掌酒者所縛明旦視之乃畢吏部也趙曰公意也厭往成都言休為酒而眠更留滯於此非止南下遊吳而已蓬萊仙山可比到則亦往矣

歸夢

道路時通塞江山日寂寥  
偷生惟一老伐叛已三朝

紀事

有情孰不受

雨急青楓暮雲深  
黑水遙夢歸歸未得不用楚

辭招

趙曰楚地多楓此言南下之景黑水在鄂杜之間去長安為近

江亭王閬州筵餞蕭遂州

離亭非舊國春色是他鄉  
老畏歌聲短愁從舞曲長  
二

天開寵餞五馬爛生光  
川路風煙接俱宜下鳳凰

洙曰後漢

蘇章遷吳州刺史故人為清河太守章行部集其故賦乃請太守設酒肴陳平生之好太守喜曰人皆有一天

我獨有二天師曰閭與遂皆屬蜀道故云川路風煙接  
昔蕭史跨鳳而去王喬乘雙鳧飛來皆神仙人故風俱  
宜下鳳凰以美二公不凡也洙曰賈誼賦鳳凰翔于千  
仞兮翬德輝而下之漢黃霸為潁川太守是時鳳凰神  
爵數集郡國潁川尤多此  
以美二公為郡之治効也

### 絕句二首

遲日江山麗春風花草香泥融飛鷺子沙暖睡鴛鴦

富貴

氣象

江碧鳥逾白山青花欲然今春看又過何日是歸年

滕王亭子

公自注亭在雲臺觀內王魯與此州  
夢弼曰滕王元嬰高祖之子也詞露

年間任閬州刺史在閬州有  
亭洪州有閬又有碧落碑

君王臺榭枕巴山萬丈丹梯尚可攀春日鶯啼修竹裏

仙家犬吠白雲間

以亭在觀內  
故有下句

清江碧石傷心麗嫩蘂

濃花滿目班人到于今歌出牧來遊此地不知還

寂寞春山路君王不復行古牆猶竹色虛閣自松聲鳥

雀荒村暮雲霞過客情尚思歌吹入千騎把霓旌

葉夢  
得詩

話老杜滕王亭子詩云粉牆猶竹色虛閣自松聲若不  
用猶與自兩字則餘八字凡事子皆可用不必滕王也

此皆工妙至列  
人力不可及

玉臺觀二首

公自注滕王造趙曰觀在高處其中心有臺號曰有臺也

中天積翠玉臺遙上帝高居絳節朝遂有馮夷來擊鼓

始知羸女善吹簫

雖是江境語有神傷因以觀內有滕王亭子故有鼓簫之句

江光

隱見龜鼉窘石勢參差烏鵲橋更有紅顏生羽翰

翰作去聲

今人以爲詩未必敢用也

便應黃髮老漁樵

洙曰列子周穆王築臺號中天之臺漢禮樂志

游閭闔觀玉臺注上帝之所居修可曰顏延年詩攢素既森羃翠亦葱菁注松栢重布曰積翠洙曰曹曹植洛神賦馮夷鳴鼓女媧清歌馮夷乃何伯列仙傳蘭史教秦女弄玉吹簫作鳳凰鳴羸秦姓也淮南子烏散填河

成橋而渡織女

浩刳因王造平臺訪古遊綠雲簫史駐文字魯恭留極

典宮闕道羣帝乾坤到十洲水心觀宇人傳有笙鶴時過北

山頭

趙云道書惟有元始浩刳之家梁孝王有平臺又以魯恭比滕王也以詩意推之滕王必有文書遺

跡在馬洙曰道書中有十洲記皆言神仙仙境土列仙傳周靈王太子晉好吹笙作鳳鳴嘗乘白鶴駐緱氏山頭

### 渡江

春江不可渡二月已風濤舟楫歌斜疾魚龍偃卧高渚

花張素錦汀草亂青袍戲問垂綸客悠悠見汝曹

### 喜雨

南國早無雨今朝江出雲入空纔漠漠洒迥已紛紛巢

燕高飛盡林花潤色分晚來聲不絕應得夜深聞

趙曰南國

指荆楚也安石日記云天降時雨山川出雲故可言江出雲也

### 送韋郎司直歸成都

竄身來蜀地

甫以避難奔走入蜀故言竄身劉公幹贈五官詩余因沈痼疾竄身清漳濱

同

病得韋郎

韋亦避難者故言同病吳越春秋子胥曰子不聞河上歌乎同病相憐同憂相救

天

下兵戈滿江邊歲月長別筵花欲暮春日鬢俱蒼

一作春鬢

色俱蒼

為問南溪竹

竹一作笋南溪即浣花溪之南也

抽稍合過牆

公自注余

草堂在城都  
西郭浣花里

將赴城都草堂途中有作先寄嚴鄭公五首

此詩

廣德二年春作嚴武先鎮蜀甫依之武入朝蜀亂甫遂去之梓潼公聞武再鎮蜀故欲復

歸草堂也

得歸茅屋赴城都真為文翁再剖符

真一作直昔文翁為蜀郡太守故以

比嚴武也說大符信也漢制以竹長六寸分而相合文翁二年初與郡守為銅虎符竹使符音義曰銅虎符第一至第五發兵遣使至郡合符符合乃聽受之竹使符以竹長五寸鐫刻篆書亦第一至第五符者左留京師以與之之東觀記岸賓士議二千但使閭閻還楫讓石賓上皆以遜出刻符與千里也



喜復歸得與鄰里相受也敢論松竹久荒蕪

此甫不敢以私己之園林久廢不治為念也

魚知丙穴由來美

由舊作猶後漢郡國志漢中郡沔陽縣西有丙穴鄧道元水經丙穴出嘉

魚常以二月出十月入水泉懸注魚木穴下還入水穴口向丙故曰丙穴寰宇記興州順政縣東南七十里有

大丙山小丙山其崖北有穴方員二丈餘其穴有水潛流士人相傳名丙穴周地圖云其穴向丙因以為名沮

水經穴間而過或謂之大丙水每春三月上旬有魚長八九寸或二三日連綿縱穴出相傳名嘉魚也段成式

酉陽雜俎丙穴魚食乳水食之甚溫神農本草亦云嘉魚味甘食之令肥健悅澤此乳穴中小魚常食乳水水

所以益人也酒憶郢筒不同沽

郢賓彌切一作笙甫思嚴武先待我之厚醉我以郢筒之

酒而甫不須沽也成都記郢縣因水得名居人以筒釀酒蜀王佐宇所都華風俗錄郢人剗竹之大者傾春釀

於筒閑以藕絲苞以焦葉信宿香達於竹外然後斷之  
以戲俗號郭筒夢鄉謂此說非也郭筒乃酒器也郭出  
大竹土人截以盛酒故號郭筒故故五馬舊曾諳小徑  
商隱詩云錦石為棋子郭當作酒也  
甫謂武昔嘗過余之  
草堂也餘見前注  
幾迴書札待潛夫  
潛夫甫自北也

處處青江帶白蘋

爾雅釋草萍之大者曰蘋

故園猶得見殘春

故園指成

都草堂也  
困或作國

雪山斥候無兵馬

謂西山之亂靖也

錦里逢迎有主

人謂嚴武再鎮成都也戰國策田光造燕太子跪而逢迎却行爲道

休怪兒童延俗客

不教鵝鴨惱比鄰

比鄰脂切近也甫於武有故舊之好而能如此則甫之厚德與夫慎重可

見習池未覺風流盡  
況復荊州賞更新

武每訪草堂酣飲賦詠故甫自

比之習池荆州則以此武之來宴賞復無窮也按晉山  
簡鎮襄陽諸習氏者荆士豪族有佳園地蘭每出戲多  
於池上輒辭而歸  
名之曰高陽池

竹寒

一作青

沙

一作水

碧浣花溪菱刺藤梢咫尺迷

菱一作橘言有

留堂之久宜其荒蕪也

過客徑須愁出入居人不自解東西

解佳買切

曉也以蓬蒿之解也

書籤藥裏封蛛網

籤千應切驗也

野店山橋送馬啼

言橋與店空送馬啼於道中往來而已蓋甫不在草堂故也

肯藉荒亭春草色先判

一飲醉如泥

判昔官切後漢周澤傳澤為太常清潔猶行盡敬宗廟常卧病齋宮其妻問問所苦

澤怒以妻干犯齋禁遂收言獄時人為之語曰生世不諧作太常妻一歲三百六十日三百五十九日齋一日

不齋醉如泥余按裨官小說南海有蟲無骨  
名曰泥在水中則活失水則醉如一塊泥然

常苦沙崩損藥欄也從江檻落風湍新松恨不高千尺

新松甫指手植四松也按集有  
四松寺云霜骨不甚長史也  
惡竹應湏斬萬竿甫歸故林

竹之惡者所之獲其新美者按集有詩  
曰今晨去千竿又曰步堞萬竹疎是也  
生里祇馮黃閣

老甫言生計皆仰于嚴武也  
國史補兩省相呼為閣老  
衰顏欲赴紫金丹丹陽抱陽山人

大藥譚煉粉為鉛化汞為塵自然伏火去鉛取丹更入  
華池還源反色再入神室更養火六十日成紫金火丹

若人服食化腸為筋  
變髓凝骨自然不死  
三年奔走空皮骨信有人間行路

難古詩有行路難篇

錦官城西生事微

或作里王荆公作錦公宮生事城西微甫言薄有常產也

烏皮几

在還思歸

謂以烏皮為几也謝朓詠烏皮隱几詩蠅木生附枝彫刻豈無施曲躬奉微用耶承終宴疲

昔去為憂亂兵入今來已恐鄰人非

恐經亂離而人物變易也側身

天地更懷古迴首風塵甘息機

甫言厭奔走也

共說總戎雲鳥

陣

總戎謂嚴武為元師也太公六韜曰既以被山而處必為雲鳥之陣陰備又曰以車騎分為雲鳥之

陣所謂鳥雲者鳥散而雲飛變化無窮者也

不妨遊子芰荷衣

遊子甫自謂也甫欲參軍

謀不妨吾逸態而衣芰荷之衣也屈原離騷篇製芰荷以為衣集芙蓉以為裳

別房太尉墓

閬州太尉名房琯字次律河南人常與嚴武等交結貶邠州刺史上

元元年為漢州刺史竇應二年拜刑部尚書  
在路遇疾廣德六年卒於開州僧舍年六十  
七也按唐書上皇入蜀琯建議請分諸王鎮  
天下其後賀蘭進明以此讒之肅宗琯坐是  
卒廢不專以陳陶敗之也司空圖房太尉漢  
中詩曰物望傾心久句渠破膽頻注謂程山  
初見分鎮詔書拊膺嘆曰吾不得天下矣圖  
博學多聞嘗謂朝廷且修史其言必有自來  
今唐書不載此語惜  
我不為一白之也

他鄉復行役駐馬別孤墳近淚無乾土

言淚多而濕之也

低空

有斷雲對碁陪謝傳

甫自言昔嘗對房太尉圍碁如陪謝安石也晉謝安字安石薨贈太

傅初符堅入寇諸將退敗堅以于淮肥加安征討大都督姪謝玄入問計安指受將即各當其任玄等既破堅

有驛書至安方對客圍碁看書既  
竟使攝於床上了無喜色碁如故  
把劍覓徐君把劍甫以季札

自比將欲掛之於房太尉之墓出剗向新序延陵季子  
西聘皆帶寶劍以過徐君徐君觀劍不言而色欲之季  
子有上國之使而未獻也其心許之致使於晉  
反則徐君已死於使以劍帶徐君墓樹而去  
唯見林

### 花落鶯啼送客聞

自閬州領妻子卻赴蜀山行三首

鶴曰公出峽之計未遂聞

嚴武再鎮成都遂歸草堂

汨汨避羣盜悠悠經十年不成向南國復作遊西川物

役水虛照魂傷山寂然我生無倚著盡室畏途邊

趙云物投

水虛照言身為物所役水亦徒相照不得優游觀賞之也  
洙曰漢書地注著謂安土也趙曰左傳盡室以行莊子夫畏途者十殿一人則父子兄弟相戒也

長林偃風色迴復意猶迷衫裏翠微潤馬銜青草嘶棧

縣斜避石橋斷卻尋溪

宛轉語

何日兵戈盡飄飄愧老妻

洙曰棧謂蜀中閣道也

行色遞隱見人煙時有無

得高下之趣

僕夫穿竹語稚子入

雲呼轉石驚魑魅攄弓落狢魑真供一笑樂似欲慰窮

途

洙曰莊子車馬有行色趙曰攄披耕切訓彈也洙曰狢猿屬鼯鼠也



山館

南國晝多霧北風天正寒

蘇曰張茂先北風凜冽天色正寒游子不歸吾心如割雖

有人書吾不能達

路危行木杪身遠宿雲端

洙曰鮑明遠詩雲端楚山見林表吳

岫山鬼吹燈滅厨人夜語闌

趙曰楚詞有山鬼篇此山館乃楚地矣晉傅玄詩厨

人進簾如有酒不盈杯

雞鳴問前館世亂敢求安

贈王二十四侍御契四十韻

往往雖相見飄飄媿此身不關輕綬冕

倉頡篇綬也說文大夫以上

冠俱是避風塵

甫以左拾遺出為華州功曹而遂自罷官若輕綬冕者風塵之警不得不避亂

也 一別星橋夜

華陽地志李水守蜀造橋上應斗魁七星

三移斗柄春

志以

時也斗杓隨時而指於昏指東則為春矣三移則三年矣春秋運斗樞曰北斗七星第一名天樞第二至第四為魁第五至第七為杓杓即柄也 敗亡非赤壁

言潼關之敗兩京遂陷其禍酷烈殆非赤壁之

北也既元瑜為曹公作書與孫權曰昔赤壁之役遭罹疫氣燒船自還以避惡地非周瑜水軍所能控抑也江陵之守物盡穀殫無所復據徒民運師又非周瑜所能敗也 奔走為黃巾

為于偽切黃巾以喻祿山

也後漢皇甫嵩傳鉅鹿張角十餘年間衆徒十餘萬遂置三十六方方猶將軍號也靈帝中平元年一時俱起皆著黃巾為標幟時人謂之黃巾蜀鄧焉傳涼州逆賊數千人自號黃巾又鄭玄傳會黃巾寇青部避地徐州子去何瀟灑

子指王侍御也

余藏異隱淪

甫因奔走避寇遂成隱淪非本志也餘詳

見前 書成無過鴈 言欲寄書而乏使也蘇武傳昭帝即位匈奴與漢和親漢使復至匈奴常

惠請其守者與俱得夜見漢使具自陳通教使者謂單于言天子射上林中得鴈足有係帛書言某等在某澤

中故范彦龍詩寄書衣故有懸鵲公自叙其貧也荀子雲中鴈為我西北飛

恐懼行裝數 數色角反 伶俖臨疾頻 伶郎丁切俖普丁切失所貌 曉鵲工

迸淚秋月解傷神 春鴈秋月人所賞說而鵲所工者在於進人之淚月所解者在於傷人之

神則以亂離疾 會面嗟鵲黑 李斯傳高鑿龍門腹無肢脰無毛手足胼胝面目鵲

病之所感也 含悽話苦辛 謝靈運廬陵墓下詩含悽記廣州古詩坎珂長辛苦是也 接輿還入楚

言甫自蜀適荆衡故以接輿為比 王粲不歸秦 自喻不得歸長

也接輿楚人論語楚狂接輿是也

安之故鄉故又以王粲為比也謝靈運擬魏公鄴公詩序云王粲本秦川貴公子孫遭亂流寓自傷情多詩曰

整裝辭秦川錦里殘丹竈言去錦城之久空花溪得釣

綸言浣溪之人得我前消中祇自惜消中甫自謂有晚

起索誰親索蘇各切謂流寓索居而無骨肉之伏柱聞

周史柱史比王公之為侍御也劉向列仙傳李耳字伯

守藏史王康珣乘槎伏漢臣乘槎豈非美王侍御嘗使

詩老聃伏柱史駕鴻不易狎龍虎未宜馴言王侍御不可得而親近

也古樂府莫狎駕鴻侶客即桂冠至交非傾蓋新時王

曹植曰嗟龍虎之未馴

守漢州甫自秦亭棄拾遺而來今一見之有如舊相識也晉葛洪掛冠不仕孔叢子孔子與程子相遇於途傾頭如新傾蓋如故由來意氣合直使性情真浪跡同生

死無心恥賤貧

言共遭亂離而為心友真可以託死生而不以甫之貧賤為恥辱者也

偶

然存蔗芋幸各對松筠麕飯依他日窮愁怪此長女長

裁褐穩

長如字

男大卷書勻

兩聯通義言粗糲之飯依他日所以窮愁者在乎女長

男大則婚嫁之事來相迫矣

滿口江如練

滿普胸切又普冰切此已下言王侍御之所居也樂

史筆字記李冰擁江作滿曰滿堰在渠江縣又云滿口在彭州或云滿口岷江所經謝玄暉詩澄江靜如練

蠶崖雪似銀

王洙云蠶崖關在西山黃庭堅云蠶崖在茂州帶雪山魯書云蠶崖在松州

名

園當翠嶽

嶽魚塞切

野棹沒青蘋屢喜王侯宅

王侯宅統言王侍御與屢

鄭公也

時邀江海人

甫自謂常為屢鄭公王侍御顧遇也

追隨不覺晚款曲

動彌旬但使芝蘭秀

甫期與王侍御心德之芬芳有如芝蘭之秀也易曰同心之言其臭

如蘭是也或謂晉謝玄答叔父安曰子弟譬如芝蘭玉樹欲使其生於庭階耳

何煩棟宇鄰

甫

堂在成都浣花里王侍御所居在蘆江縣故有是句陶潛答鮑參軍四言詩歡心孔洽棟宇惟鄰

山陽

無俗物

言王侍御之門下無俗客也向秀與嵇康為竹林之遊經康所居之山陽作思舊賦云濟黃河

以泛舟弓經山陽之舊居阮籍謂王戎曰俗物以復來敗人意

鄭驛正畱賓

又以鄭莊北王侍御

之禮賢也史記鄭莊為太子舍人嘗置驛馬於長安諸郊請謝賓客夜以繼日

出入並鞍馬

鮑

鞍鞍馬  
光照地

光輝參席珍

儒行儒有席上珍以待聘

重遊先主廟

先主廟今在南

門外更歷少城闔

少城張儀所築也

石鏡通幽竈

蜀王瑩其妃徇以石鏡

琴

臺隱絳唇

琴臺乃司馬相如彈琴之所餘並見前注

送終惟冀土結愛獨荆

榛

此兩聯又寓意鄭公之死明舊凋喪喪今幸寓王侍御禮待之隆可以駐足也

置酒高林下

觀碁積水濱

此聯以下甫自叙其依王侍御也或者又謂此以結下句初以石鏡送終今墓中之

人已冀土矣以琴結夫婦之好今則徒生荆棘矣既往之事為可弔則置酒觀碁以遣懷耳

區區甘

累趼

趼古興切足瘡也莊子百舍重趼而不息

稍稍息勞筋網聚粘圓鯽絲

繁煮細蓴

蓴音純水菜也此聯又言歸浣花草堂之樂也餘見前注

長歌敲柳癭

癭於

郭切謂鐫也腐也曹植詩我有柳瘻瓢是也

小睡凭藤輪

藤輪謂車也鮑照詩花箋引藤輪是

也農月須知課田家敢忘勤

忘無放切

浮生難去食良會惜

清晨列國兵戈暗今王德教淳要聞除狎猢

狎鳥八切猢勇主切

狎猢獸名喻盜賊也爾雅釋獸猢猢類猢虎爪食人飛走郭璞注猢大如狗文如狸淮南子本經註猢猢為害

克使拜殺之

休作畫麒麟

但以除猢猢為心不必志於畫形麒麟閣上也餘見今代

萬民皆喜

麒麟洗眼看輕薄

輕薄言交道之不終者甫蓋有激而云耳

虛懷任屈伸莫

令膠漆地萬古重雷陳

甫望王侍御者至甚矣後漢陳重與雷義為友時人語曰膠漆

自謂堅不  
如雷與陳





九家集注杜詩卷二十五